



春秋左氏傳賈服註輯述卷四

齊公羊傳夫人國益親與其言

莊公念母也經思殺而討其太重不曰痛于齊而又

元經三月夫人孫於齊平賈服曰桓公之薨至是年三月期而小

祥公憂思少殺念及于母以其罪重不可以反之故書孫于齊耳

其實先在於齊本未歸也詩南山疏服曰蓋魯桓公之喪從齊來詩南

山疏○按疏引此句下云以文姜為二年始來語氣不接此下引魏書云云似為一貫識此以俟質焉文姜通於兄

齊襄與殺公而不反父殺母出隱痛深諱期而中練思慕少殺念

至於母故經書三月夫人孫于齊魏書寶璣傳○按魏書孫于齊

無讐疾告列之理玩其語義似有駭難句下云既有念母深諱之文明

服氏之意故此節去而識其語於此賈服並以文姜為二年

賈服註輯述卷四

始來詩南山疏○按疏云服虔以文姜為二年始來鄭於喪服小

也是賈服同義孔疏引用時多刪節故文有詳略

案桓公以往年四月薨至此年三月為一期也說文云稭復其

時也期會也二字義略同會有合訓復其時合於此月也禮記

其閒傳云期而小祥祥者吉也言小小從吉也公於斯時憂思其

父其心少殺殺者減損也問喪云思慕之心孝子之志也荀子

禮論喪禮之凡久而平注久則哀殺如平常也念及于母者謂

思念母也雖思母而母罪太重不可請于齊而反之故書孫于

齊公羊傳夫人固在齊矣其言孫于齊何念母也蓋前此深痛

父仇無暇計母之出至是哀思少殺始念母出未反簡策宜書



卽繫之此月以爲首事其實卒未歸也魯桓之喪以前年四月至夫人宜與同反經不書夫人之反見文姜與聞殺公之謀內歛於心故不敢還隱痛深諱者魏書竇瑗傳瑗曰尋注義隱痛深諱者以父爲齊所殺而母與之隱痛父死深諱母出期而中練者禮記喪服四制期而練曾子問主人練祭而不旅疏練小祥祭也周禮大祝疏練謂十三月小祥練祭蓋桓公之薨至此將練祭矣喪服小記故期而祭練也期而除喪道也祭不爲除喪也注此謂練祭也禮正月存親親亡至今而期期則宜祭天道一變哀惻之情益衰若然則練祭之時哀少減矣正義曰公羊穀梁傳意言文姜往年如齊至此年三月猶尙不反三月

賈服註輯述

卷四

二

練祭念及其母乃書其出奔非三月始從魯去也左氏先儒皆用此說杜不然者史之所書據實而錄未有虛書其事者也夫人若遂不還則孫已久矣何故至是三月始言孫于齊乎公若念及於母自可迎使來歸何以反書其孫豈莊公召命史官使書其母孫乎正義申杜之文如此然詩南山序疏云夫人久留於齊莊公卽位後乃來也其來年月三傳無文莊元年經書三月夫人孫于齊公羊傳云夫人固在齊矣其言孫何念母也正月以存君念母以首事何休及賈服云云至二年夫人會齊侯于禚是從魯往之則於會之前已反魯矣服虔以文姜爲二年始來杜預以莊元年歲首卽位之時文姜來公以母出之故不

忍卽位文姜於時感公意而來既至爲魯人所尤故三月又遂於齊杜預創爲此說前儒盡不然也按此以杜預之說爲創則以先儒之說爲然矣二疏並出孔氏而柄鑿如此蓋疏詩之時無容袒杜故折衷有當也

**傳**不稱姜氏絕不爲親禮也

服曰夫人有與殺桓公之罪絕不爲親得尊父之義善莊公思大義絕有罪故曰禮也

魏書賈逵傳

案傳公諱文姜文姜以告齊襄公始爲彭生所搯殺是桓公之殺姜實與之絕不爲親得尊父之義者禮喪服小記大傳注並云親謂父母也桓六年疏鄭駁五經異義云婦人歸宗女子雖適人字猶繫姓明不得與父兄爲異族又引異義云今禮戴尙

賈服註輯述

卷四

三

書歐陽說九族乃異姓有屬者母族三母之父姓爲一族若然則因母而立母族以見恩有由起也儀禮喪服曰出妻之子爲母期則爲外祖父母無服傳曰絕族無施服賈疏謂絕族者嫁來承奉宗廟與族相連綴今出則與族絕故云絕族愚謂賈氏之說非也婦人無由以夫家爲族其云絕族謂母族已絕依子言之也若然出母曰絕族則與母絕者當去族矣經之不稱姜氏是也雷次宗曰子無出母之文鄭注喪服傳云母子至親無絕道今乃以絕不爲親爲禮者文姜與聞殺公其罪至大非有過而出者可比莊公隱痛父死絕其私恩得尊父之義矣喪服云父至尊也坊記云尊無二上喪服傳又曰禽獸知母而不知

父野人曰父母何算焉都邑之士則知尊禰矣此其義也洪氏亮吉左傳詁按說苑亦云絕文姜之屬而不爲不愛其母與服說相發明

三年經紀季以鄆入于齊 賈曰紀季以鄆奔齊不言叛不能專鄆

也本疏

案春秋繁露玉英篇云春秋之法大夫不得用地又曰君子無去國之義又曰君子不避外難紀季犯此三者何以爲賢賢臣故盜地以下敵棄君以避患乎曰賢者不爲是是故託賢于紀季以見季之弗爲也紀季弗爲而紀侯使之可知矣齊將復讐紀侯自知力不加而志距之故謂其弟曰我宗廟之主不可絕

賈服註輯述

卷四

四

也汝以鄆往服罪於齊請以立五廟使我先君有所依歸左氏襄二十六年傳疏所言叛者或據邑而距其君或竊地他國皆爲有地隨己故稱爲叛公羊傳曰何賢乎紀季服罪也魯子曰請後五廟以存姑姊妹穀梁傳曰鄆紀之邑也入于齊者以鄆事齊也故賈意亦以紀季之奔受命于紀侯以存宗祀非專邑自恣者比且入以事齊則不能專有其邑故曰不言叛不能專鄆也

八年經師次于郎以俟陳人蔡人 賈曰陳蔡欲伐魯故待之服曰

欲共伐鄆本疏

案賈說本穀梁傳傳云甲午治兵習戰也治兵而陳蔡不至矣

兵事以嚴終故曰善陳者不戰據此則穀梁亦以次爲俟陳蔡之來伐矣服說本公羊傳云託不得已也何休注師出本爲下滅盛盛與與陳蔡屬與魯伐衛同心又國遠故因假以諱滅同姓託待二國爲留辭主所以辟下言及也此服言欲共伐鄭之義也

齊無知弑其君諸兒 賈曰不稱公孫弑君取國故以國言之春秋

釋例氏族例

案與隱四年州吁同例

傳連稱管至父 賈曰齊大夫齊世家注

瓜時而往 服曰七月同上

賈服註輯述 卷四 五

案夏小正五月乃瓜夏五月周七月也服云七月據周正也詩幽風七月食瓜服不取以爲時者以此云瓜期當指瓜之始生非言蓄瓜之候也

及瓜而代 服曰謂後年瓜時同上

案呂覽長見篇注後來也後年猶來歲周禮肆師蒞卜來歲之稼後鄭注卜者問後歲稼所宜是也

連稱有從妹在公宮 服曰爲妾在宮也同上

案白虎通嫁娶篇妾者接也以時接見也據傳云無寵又公孫無知使之閒公曰捷吾以女爲夫人明在公宮時未爲夫人則

是爲妾也

齊侯遊于姑棼

賈曰齊地也

齊世家注

案顧氏棟高曰姑棼卽薄姑一名蒲姑樂安博昌縣北有薄姑

城周成王時薄姑與四國作亂成王滅之以益太公之封後胡

公徙都于此在今青州府博興縣東北十五里按杜氏土地名

例姑棼地闕郡國志樂安國博昌有薄姑城劉昭注左傳姑棼

杜預曰薄姑地卽顧氏所本郡國志于博昌又曰有貝中聚注

引此傳齊侯田于貝邱遊田相次地亦相比則在博昌明矣

公子彭生也

服曰公見彘從者乃見彭生鬼改形爲豕也

同上

案說文豕彘也故注以彘釋豕公見爲彘從者見爲彭生言所

見異也鬼改形爲豕者易繫辭傳游魂爲變鄭注游魂謂之鬼

賈服註輯述

卷四

六

廣雅釋天物神謂之鬼墨子明鬼篇若以眾之所同見與眾之

所同聞則若昔者杜伯是也周宣王殺其臣杜伯而不辜其三

年周宣王合諸侯而田于囿日中杜伯乘白馬素車朱衣冠執

朱弓挾朱矢追周宣王射入車上中心折脊殪車中伏僕而死

當是之時周人從者莫不見遠者莫不聞著在周之春秋昔者

燕簡公殺其臣莊子儀而不辜期年燕簡公方將馳於祖塗日

中莊子儀荷朱杖而擊之殪之車上當是之時燕人從者莫不

見遠者莫不聞著在燕之春秋昔者齊莊君之臣有所謂王里

國中里徼者此二子者訟三年而獄不斷齊君乃使人共一羊

盟齊之神社二子許諾於是歃血搃羊而漉其血讀王里國之

詞既已終矣讀中里徼之詞未半也羊起而觸之折其脚祧神而稟之殪之盟所當是時齊人從者莫不見遠者莫不聞著在齊之春秋則彭生死而爲厲變化易形理或然也小曰又曰精

禾人立而啼 服曰啼呼也 文選蜀都賦注

案說文嗁號也啼與嗁同曲禮釋文呼號叫也

虐于雍廩 賈曰渠邱大夫也 齊世家注

案昭十一年傳齊渠邱實殺無知故知雍廩爲渠邱大夫

九經春齊人殺無知

賈曰君惡及國稱國以弑君惡不及國則

稱人以弑 春秋釋例

案此賈氏說春秋之例無知雖弑君然惡不及國故稱人以弑

賈服註輯述 卷四

弑殺同辭正義曰釋例曰諸侯不受先君之命而篡立得與諸侯會者則以成君書之齊商人蔡侯般之屬是也若未得接於

諸侯則不稱爵楚公子棄疾殺公子比蔡人殺陳佗齊人殺無

知衛人殺州吁公子瑕之屬是也諸侯篡立雖以會諸侯爲正

至於國內策名委質卽君臣之分已定故雖殺不成君亦與成

君同義也

納糾 賈曰不言公子次正也 疏本

案管子大匡篇齊僖公生公子諸兒公子糾公子小白又曰諸

兒長而賤是襄公本爲庶長而子糾爲次正矣公羊傳其稱子

糾何貴也其貴奈何宜爲君者也白虎通封公侯篇春秋經曰



齊無知殺其君貴妾子公子糾當立也亦以糾爲次正也春秋之例諸侯庶子皆得稱公子以糾爲次正故不書公子嫌與庶子同也今本有子字臧氏琳曰沿唐定本之誤也

齊小白入于齊賈服曰齊大夫來迎子糾公不亟遣而盟以要之齊人歸迎小白同

案盟謂前年盟于莒也齊語桓公自莒反于齊韋昭注亦曰齊人逆子糾于魯魯嚴公不即遣而盟以要之齊大夫歸逆小白

於莒桓公自莒先入是古說相承如此其刃時或以此賈齊人取子糾殺之賈曰稱子者愍之同

案一切經音義三引字詁古文愍今作閱愍憐也前納糾不書賈服註輯述卷四

子今書子故知憐之也按唐定本上納糾有子字故正義曰上已稱子則此言子非愍之也然公穀皆云納糾無子字可見賈

景伯所見左傳本亦無子字故所釋如此孔氏執定本以斥賈氏非也

後洙 服曰洙水在魯城北水經泗水篇注案水經泗水篇泗水出魯下縣北山西南過魯縣北注云北爲

洙洙瀆是洙水在魯城北也大夫來迎子糾公不亟遣而盟以要之傳乃殺子糾于生竇賈曰生竇魯地句竇也齊世家注

案史記作笙瀆瀆竇通周禮大宗伯注四竇釋文竇本亦作瀆是也句竇者襄十九年執公子牙于句瀆之邱論語云自經于

溝瀆而莫之知也溝瀆卽句瀆句古瀆如溝如句芒句龍句吳皆古瀆也子糾殺于其地召忽亦自經于此論語溝瀆卽生竇之地

及堂阜而稅之 賈曰堂阜魯北境

同上

案杜氏以堂阜爲齊地云東莞蒙陰縣西北有夷吾亭或曰鮑叔解夷吾縛於此因以爲名賈云魯北境蓋據齊魯接壤處言之洪氏亮吉日文十五年傳飾棺置諸堂阜明堂阜爲齊魯交界既至齊境故卽釋其縛也

管夷吾治於高傒 賈曰齊正卿高敬仲也

同上

案禮王制次國三卿二卿命于天子僖十二年傳有天子之二

賈服註輯述 卷四

九

守國高在則命于天子爲正卿矣襄十九年傳齊人立敬仲之曾孫良敬仲也是敬爲傒諡仲爲傒字也

十 年傳蒙皋比而先犯之 服曰包之以虎皮名之曰建皋

本疏

案服用樂記文皋本作囊說文囊咎聲皋陶亦作咎陶是其證故集韻囊亦作鞞也彼注云建讀爲鍵字之誤也兵甲之衣曰囊鍵囊言閉藏兵甲也若然兵甲之囊當以虎皮包之服故援以解皋之由名以見蒙虎皮于兵甲之上與鍵藏時其制相似

十 年 傳覆而敗之曰取某師 服曰覆隱也設伏而敗之謂攻其無備出其不意敵人不知敗之易故曰取

本疏

案隱九年傳君爲三覆以待之杜注云覆伏兵也國語晉語注

伏隱也則覆為伏伏為隱也攻其無備出其不意孫子文敗之  
易者襄十二年傳凡書取言易也服義本之

公使弔焉賈曰問凶曰弔宋世家注

案周禮大宗伯以弔禮哀禍裁鄭注謂遭水火又曰以荒禮哀

凶札若然則此是問禍裁不當云問凶然曲禮云歲凶年穀不

登今傳云害于彘盛則歲凶矣故賈曰問凶也

射南宮長萬賈曰南宮氏萬名宋卿同

宋公靳之服曰恥而惡之曰靳釋文本疏

案公羊傳宋萬與閔公博婦人皆在側萬曰甚矣魯侯之淑魯

侯之美也閔公矜此婦人妬其言曰此虜也魯侯之美惡乎至

賈服註輯述 卷四

服氏尋公羊傳文故知為恥而惡之若杜云戲而相愧則此虜

也之言非戲言也萬亦何至弑公因事攻義服氏為長正義曰

恥惡其人不應為之請魯不知靳之之由因萬歸國後夸美魯

侯而致是始則重其人而請繼則妬其言而靳前後固不相妨

也如孔氏言固矣

年十二經宋萬弑其君捷賈曰未賜族本疏例

案隱八年傳諸侯以字為氏因為族官有世功則有官族邑

亦如之杜注皆稟之時君是賜氏即賜族也春秋之例賜族則

書其族此書宋萬是未賜族也正義曰按傳稱南宮長萬則為

己氏南宮不得為未賜族也然按隱八年傳無駭卒疏士會之

孳處秦者爲劉氏伍員之子在齊爲王孫氏智果知知伯之將滅自別其族爲輔氏如此之類皆是身自爲之非復君賜是春秋時有賜族亦有私氏也傳稱南宮萬而經止言宋萬則南宮當是私氏故賈于射南宮長萬注云南宮氏而此云未賜族也

傳宋萬弑閔公子蒙澤宋世家注賈曰宋澤名

案郡國志梁國蒙有蒙澤劉昭注引此文杜云宋地梁國有蒙縣與賈異按下文云遇仇牧于門批而殺之遇太宰督于東宮之西又殺之則蒙澤當有宋別宮矣賈云澤名者言蒙澤之地以澤名蒙也周禮大司徒注水鍾曰澤又澤虞注澤水所鍾也

羣公子奔蕭公子御說奔亳服曰蕭亳宋邑也

賈服註輯述 卷四

案漢書地理志沛郡蕭故蕭叔國宋別封附庸也考蕭爲附庸

卽是年所封說見正義未封爲宋邑今徐州府蕭縣北十里有蕭城

郡國志梁國薄劉昭注引杜預曰蒙縣西北有薄城左傳宋公

子御說奔亳案僖二十年公會諸侯盟于薄釋宋公哀十四年

桓魋請以牽易薄公曰薄宗邑也卽此文宋世家注宋世家注曰

使婦人飲之酒服曰宋萬多力勇不可執故先使婦人誘而飲之酒醉而縛之同上

案說文縛束也釋名釋言語縛薄也使相薄著也宋世家注

宋人皆醢之服曰醢肉醬

案爾雅釋器肉謂之醢說文醢肉醬也詩大雅行葦醢醢以薦

毛傳以肉曰醢醢周禮醢人鄭注醢肉汁也

十六 經邾子克卒賈服曰北杏之會時已得王命隱元年疏

案隱元年傳云未王命故不書爵此稱爵則已受王命王制云

不合于天子附于諸侯曰附庸注不合謂不朝會也北杏之會

在十三年邾人在會知此時已得王命故得列于會也

傳不可使其叔無後於鄭 服曰定叔之祖其叔段有伐君之罪

宜世不長而云不可使其叔無後于鄭言其刑之偏頗本疏

案叔段伐君事在隱元年國語周語注父子相繼曰世叔段有

罪宜不世及也偏頗言刑失中說文云頗頭偏也廣雅釋詁

云頗衰也漢書匈奴傳上注頗亦偏也

賈服註輯述 卷四

十一

十八 傳有蠍為災也 服曰短狐南方盛暑所生其狀如鼈古無

今有含沙射人皮肉中其瘡如疥徧身中濩濩蠍蠍故曰災禮

曰蠍君則有周禮秋官序官疏。本疏引徧身濩濩或或故為災

案詩何人斯傳蠍短弧也正義引洪範五行傳云蠍如鼈三足

生于南越南越婦人多淫故其地多蠍漢書五行志云嚴公十

八年秋有蠍劉向昌為生南越越地多婦人男女同川淫女為

主亂氣所生故聖太名之曰蠍在水旁能射人南方謂之短弧

劉歆昌為蠍盛暑所生非自越來也案向歆說同服云南方盛

暑所生明北方本無今此有蠍故謂古無今有也詩疏引陸璣

疏云一名射影江淮水皆有之人在岸上影見水中投入影則

殺之故曰射影或曰含沙射人皮肌其瘡如疥與服所言同徧身漭漭蟻蟻當謂蟻之狀本疏引作或或亦聲相近五行志云蟻猶惑也公羊傳注蟻之猶言惑也劉向以莊公將取齊淫女故蟻至京房易傳曰忠臣進善君不試厥咎國生蟻二說皆爲惑君也引禮者禮家諸儒之說也

年十傳執燕仲父

服曰南燕伯爵

本疏

案水經注濟水篇二濮渠又東北逕燕城南故南燕姑姓之國也有北燕故以南氏正義曰譜亦云南燕伯爵不知所出

樂及徧舞

賈曰徧舞皆舞六代之樂

周本紀注

案周禮大司樂舞雲門大卷大咸大磬大夏大濩大武鄭注此案周所存六代之樂又大合樂注謂徧作六代之樂

賈服註輯述

卷四

三

十傳享王于闕西辟

服曰西辟西偏也

本疏

案爾雅釋宮觀謂之闕郭注宮門雙闕邵氏正義曰說文闕門觀也釋名云闕在門兩旁中央闕然爲道也禮記疏引白虎通云闕者何闕疑也闕者所以飾門別尊卑也天官太宰云縣治象之灋于象魏鄭司農云象魏闕也詩疏引孫炎云宮門雙闕舊章懸焉使民觀之因謂之觀太平御覽引穎容曰闕者上有所失下得書之於闕所以求論譽于人故謂之闕矣西辟西偏者曲禮辟咺詔之釋文辟側也淮南說山注辟旁也儀禮覲禮偏駕不入王門注左旁與己同曰偏是旁亦偏西偏言西闕旁

大也 國中罪惡 合文 楚之風 國 吳 晉 趙 以 藝 文 美 疏

王以后之鞶鑑與之服曰鞶鑑王后婦人之物非所以賜有功

本疏

案杜注鞶帶而以鑑為飾今西方羌胡為然古之遺服正義曰鞶是帶也鑑是鏡也此與定六年傳皆鞶鑑雙言則鞶鑑一物故知以鏡飾帶按以鏡飾帶則當名鑑鞶矣此云鞶鑑蓋以鞶盛鑑耳禮內則男鞶革女鞶絲注鞶小囊盛帨巾者男用韋女用繒有飾緣之儀禮士昏記施鞶注鞶鞶囊也所以盛帨巾之屬法言寡見又從而繡其鞶帨足證鞶為囊盛帨者為鞶帨盛鏡者為鞶鑑杜謂以鏡飾帶于古未聞羌胡之服不可以例服

賈服註輯述 卷四

西

謂婦人之物固謂以囊盛鏡者也王以賜有功是為褻也

王子之爵服曰爵飲酒器玉爵也一升曰爵爵人之所貴者上

○恭冕謹案正義此文下云言鄭伯以其父得賜不如虢公為是始惡於王積而成怨僖二十四年遂執王使金谿王氏陽湖洪氏輯本俱連上為服義然玩其語意似為孔疏之文不如此輯本為妥

案呂覽孟春注爵飲器知是玉爵者周禮太宰大朝覲會同贊

玉爵注玉爵王禮諸侯之酢爵今因享予爵是玉爵也儀禮特牲饋食禮實玉爵注引舊說曰爵一升禮器貴者獻以爵故云

人之所貴

二十傳肆大書與賈曰文姜為有罪故赦而後葬以說臣子也魯

大赦國中罪過欲令文姜之過因是得除以葬文姜本疏

案書皆災肆赦某氏傳皆過肆緩也緩卽寬宥之意周禮家人凡死於兵者不入兆域注謂戰敗無勇投諸塋外以罰之則有罪者亦不當入兆域故季氏之溝昭公亦此意也文姜與弑桓不當合葬大赦國中隱使姜之罪惡亦與洗滌然後得入兆域所以解說魯之臣民也正義曰文姜出奔之日嘗稱夫人夫人之名未嘗有貶何須以赦除之知不然者出奔書夫人者魯史臣所以諱國惡也葬文姜而先肆赦者魯莊公所以解公議也文姜與弑其君禮難合葬莊公不忍以絕不爲親者割母子之愛曲意肆赦使姜罪同在洗濯之列而後葬之魯人可無詞矣故上文書赦下卽書葬以見事之有緣起也不然姜以前年七月薨至十一月當合葬矣而必遲至此年正月始葬于肆赦之後此爲子不得已之苦心可概見矣孔氏之說非也

賈服註輯述

卷四

五

夏五月 賈服曰若登臺而不視朔則書時不書月若視朔而不登臺則書月不書時若雖無事視朔登臺則空書時月

禮記中  
庸疏

案僖五年傳春王正月辛亥朔日南至公既視朔遂登觀臺以望而書禮也凡分至啟閉必書雲物爲備故也詩靈臺疏曰公羊說天子有時臺以觀四時諸侯當有時臺禮記玉藻諸侯皮弁以聽朔于太廟疏言每月以朔告神謂之告朔則于時聽治此月朔之事謂之聽朔玉藻文是也聽朔又謂之視朔文十六年公四不視朔是也是視朔卽聽朔也登臺是四時之事視朔



是每月之事故登臺不視朔則書時不書月視朔不登臺則書月不書時以核實也登臺視朔禮竝無關雖無事紀仍書時月以存禮也若然則桓四年及七年不書秋七月冬十月成十年不書冬十月者明不登臺及視朔也桓十七年但書五月不書夏者明不登臺而但視朔也此書夏五月而不繫事者明登臺視朔備也

**傳** 羈旅之臣

賈曰羈寄旅客也

陳世家注

案周禮遣人以待羈旅注羈旅過行寄止者鄭氏通釋此則分言義無異也廣雅釋詁旅客也

翹翹車乘

服曰翹翹遠貌

詩漢廣疏

賈服註輯述

卷四

六

案文選南都賦翹遙遷延注輕舉貌此文翹翹當訓高詩翹翹錯薪亦謂薪之高者訓遠似未確

使爲工正

賈曰掌百工

齊世家注

案攷工記國有六職百工與居一焉注百工司空事官之屬於天地四時之職亦處其一也司空監百工者唐虞已上曰共工又以飭五材以辨民器謂之百工注五材各有工言百眾言之也禮記月令百工咸理監工日號工正卽其職也謂之正者亦猶奚仲爲車正闕父爲陶正也國語齊語立五正注正長也則齊掌百工之長亦以正爲名矣

臣卜其晝

服曰臣將享君必卜之示戒慎也

本疏。詩湛露疏引無將字之字又

敬作

案禮郊特牲曰大夫而饗君非禮也然齊桓賢敬仲欲至其家敬仲或辭不得故設享禮以待桓公耳享必卜日者周禮太宰凡祀五帝祀大神享先王皆前期十日帥執事而卜日大宗伯凡祀大神享大鬼祭大示帥執事而卜日臣之於君尊之與神示同享神示必卜日則享君亦當卜日所以示敬慎也敬仲曰臣卜其晝是卜日之實事非虛詞也若燕食饗飲禮有戒而不卜日者或分相臨秩相等與臣享君異故也

五世之後並於正卿 服曰言完五世之後與卿並列 田敬仲世家注

案言完五世之後者下文云陳桓子始大於齊史記田敬仲世

賈服註輯述 卷四

七

家完卒諡為敬仲仲生穉孟夷穉孟夷生潛孟莊潛孟莊生文子須無文子生桓子無宇正五世也與卿並列者正義曰位與卿並得為上大夫也

莫之與京 服曰京大也 同上

案此爾雅釋詁文曰曰京大也

遇觀之否 賈曰坤下巽上觀坤下乾上否 同上 觀爻在六四變而

之否 漢上易 服同 本疏。按杜注坤下巽上觀坤下乾上否觀六

議說 而為否疏謂賈服及杜並皆同焉是賈服同

案正義申杜曰此注坤下巽上觀坤下乾上否及六四爻變諸

如此輩皆據周易之文知之劉炫云下體坤坤為地為眾上體

巽巽爲風爲木互體爲艮艮爲門闕地上有木而爲門闕宮室之象宮室而可風化使天下之眾觀焉故謂之觀也下體坤坤爲地上體乾乾爲天天不下降地不上騰天地不通其氣上下否塞故謂之否也按觀六四陰爻變而爲陽則爲乾合坤爲否故曰變爲否也

風行而著於土 服曰巽在坤上故爲著土也本疏。恭寬謹案。爲風復爲木風吹木實落去更生他土而長育是。本疏下云一日巽爲在異國王氏洪氏列入服注以意揆之良然。

案易說卦巽爲風又泰爻辭城復於隍虞注坤爲積土國語晉語注著附也觀坤下巽上是風著土也

二十三年傳士蔿 賈曰士蔿晉大夫晉世家注

賈服註輯述 卷四

大

二十二年經大夫宗婦覲 賈曰宗婦同姓大夫之婦詩常棣疏

案詩正義云襄二年傳曰葬齊姜齊侯使諸姜宗婦來會葬諸姜謂齊同姓之女宗婦謂齊同姓之婦是同姓大夫之婦名爲宗婦也

赤歸于曹 賈曰羈是曹君亦是戎之外孫故戎侵曹逐羈而立赤本疏

案上經戎侵曹羈出奔陳與赤歸于曹連文故賈云然知赤爲戎之外孫者以非戎之自出戎不逐羈而立赤也與宋納鄭厲公同杜云蓋爲戎所納故曰歸略同賈說

二十五年傳乃城聚而處之 賈曰聚晉邑晉世家注

案晉世家謂城聚都之命曰絳始都絳顧氏棟高曰此時之絳都爲翼城縣而聚在今絳州縣東南十里有車箱城相傳爲晉置羣公子之所是城絳城聚非一地亦非一時史混而一之誤矣

二十八年經天無麥禾

服曰陰陽不和土氣不養故禾麥不成也

本疏

案易說卦立天之道曰陰與陽春秋繁露煖燠孰多篇天之道出陽爲煖以生之出陰爲清以成之又循天之道篇陽者天之寬也陰者天之急也中者天之用也和者天之功也舉天地之道而美於和是故物生皆貴氣而迎養之禮記月令天氣下降地氣上騰王命布農事所謂陰陽和而萬物育焉書洪範土爰賈服註輯述

卷四

九

稼穡御覽引書大傳水火木金皆賴乎土而成今陰陽失調土氣無以暢達則稼穡失其性矣故天無禾麥也

臧孫辰告糴于齊

服曰無庭實也

儀禮聘禮疏

不言如齊重穀急辭

本疏

案庭實謂馬若皮實于庭也儀禮聘禮云庭實皮則攝之注言則者或以馬疏云以其皮馬相閒有皮則用皮無皮則用馬又若有言則以束帛如享禮注春秋臧孫辰告糴于齊無庭實也服釋與鄭氏同彼疏云以經直云束帛如享禮則除束帛之外更無所有故知無庭實也國語魯語臧孫辰以鬯圭與玉磬如齊直是告糴之物足徵無皮馬之實矣云不言如齊重穀急辭

者春秋之例卿聘問鄰國皆書如某此云告糴于齊不言如齊非常例也故服云重穀急辭正義曰以其情急於糴故不言如齊告糴乞師則情緩於穀故云如楚乞師齊師出越三十里九年經新延廡賈曰言新有故木言作有新木延廡不書作所用之木非公命也本疏

案公羊傳新延廡者何修舊也修舊則有故木矣楚辭招魂注故舊也漢書禮樂志注作謂有所興造也言興造則當用新木矣僖三十年新作南門定二年新作雉門及兩觀皆言新作而此獨無作字傳則仍言新作知所用雖有新木以不本於公命故經不書作也

賈服註輯述

卷四

三

城諸及防賈曰言及先後之辭本疏

三十經齊人降鄆賈曰鄆紀之遺邑本疏

案公羊傳鄆者何紀之遺邑也穀梁傳鄆紀之遺邑也賈本二傳爲說說文鄆紀邑也段氏注杜云紀附庸國東平無鹽縣東北有鄆城距紀太遠非許意也古紀國在今青州府壽光縣西南三十里紀城鄆邑當附近卽昭十九年左傳之紀鄆也紀鄆者本紀國之鄆邑猶齊語紀鄆也謂本紀國之鄆邑也公穀云

鄆紀之遺邑與左傳合杜云紀鄆在東海贛榆是也莊三十年之鄆卽此杜分爲兩地非今江蘇海州贛榆縣北七十五里有故紀鄆城亦曰紀城

傳屬射師諫

服曰射師若敖子鬬班也

疏本

案正義曰射師被楛不言舍之知射師與班必非一人也攷子元伐鄭傳在二十八年歸處王宮而射師諫之當在是時越至三十年秋始殺子元將及兩稷矣豈猶楛而不舍乎傳敘執楛事於此以見子元見殺之由非一時事也其閒不書舍之蓋傳所略也烏見殺子元者必非鬬班乎

三十

年經城小穀

服曰不繫齊者世其祿然

疏本

皇來治百

案禮記禮運大夫有采以處其子孫周禮太宰以八則治都鄙後鄭注都鄙公卿大夫之采邑王子弟所食邑周召毛聃畢原之屬在畿內者若然惟王之卿大夫有采邑其邑不必繫之於

賈服註輯述

卷四

三

王如温原皆世祿之臣傳稱取温之麥及晉人伐原未嘗繫於周也王制諸侯之大夫不世爵祿無世祿則小穀既為齊邑當繫之齊今僅云城小穀是與世祿之例相同故曰世其祿然傳虞夏商周皆有之服曰虞舜祖考來格鳳皇來儀百獸率舞

疏本

案此書益稷文引以證虞興神降之實

臨黨氏

賈曰黨氏魯大夫任姓

魯世家注

案黨釋文音掌本字當作爪說文爪亦夙也孟子母仇氏仇即

爪之異文是魯有爪氏矣黨假借字也知為任姓者以下云見

孟任也

見孟任 賈曰黨氏之女同

從之 服曰從之言欲與通也本疏

割臂盟公 服曰割其臂以與公盟魯世家注

圉人犖 服曰圉人掌養馬者犖其名也同上

案正義曰周禮圉人掌養馬芻牧之事昭七年傳曰馬有圉牛

有牧

能投蓋於稷門 服曰能投千鈞之重過門之上也水經泗水注

案說苑辨物三十斤爲一鈞考工記冶氏重三鈞注今東萊稱

或以大半兩爲鈞二說不同服云千鈞之重未知用何說然曰

千鈞猶稱拔山舉鼎云爾非事實也匠人職曰宮隅之制七雉

賈服註輯述 卷四 三

注宮隅謂角淨思也雉高一丈又曰宮隅之制以爲諸侯之城

制注其城隅制高七丈門之高數未聞以過於其上計之當及

角淨思之處矣千鈞之重服未指蓋爲何具杜云走而自投接

其屋之桷反覆門上如杜所說則傳文當云能投桷而蓋於稷

門投蓋不當連文矣劉炫指爲重蓋孔氏謂周禮車蓋以物帛

爲之輕而帆風非可投之物不知周禮巾車所掌其張帛物以

繫日者果謂之蓋而其承帛物者亦謂之蓋考工記輪人爲蓋

達常圍三寸鄭司農注達常蓋斗柄下八杠中也程圍倍之六

寸司農注程蓋杠也信其程圍以爲部廣部廣六寸司農注部

蓋斗也部長二尺後鄭注謂斗柄達常也程長倍之四尺者二

後鄭注杠長八尺謂達常以下也加達常二尺則蓋高一丈立乘也弓鑿廣四枚後鄭注弓蓋椽也弓長六尺謂之庇軹五尺謂之庇輪四尺謂之庇軫上欲尊而宇欲卑上尊而宇卑則吐水疾而雷遠後鄭注蓋者主爲雨設也乘車無蓋禮所謂潦車謂蓋車歟是故蓋崇十尺是蓋有達常有椽有部有弓其長則十尺也其弓則二十有八也皆統之曰輪人爲蓋是散名則分大名則一其蓋之重可知是劉說正未可非也服以千鈞之重狀之或亦謂車蓋歟

使成季酰之

服曰酰鳥一曰暉日鳥

魯世家注

案說文鳩毒鳥也一名暉日此服所本山海經中山經女几之賈服註輯述

卷四

三

山其鳥多鳩郭注鳩大如雕紫綠色長頸赤喙食蝮蛇頭雄名暉日暉又作暉淮南繆稱暉日知晏注暉日鳩鳥也或作鴝名醫別錄云鳩鳥一名鴝日又作雲劉達吳都賦注鳩鳥一名雲日正義曰廣志云鳩鳥形似鷹大如鸚毛黑喙長七八寸黃赤如金食蛇及椽實常居高山巔晉語諸公讚云鳩鳥食蝮以羽翻櫟酒水中飲之則殺人

成季奔陳 服曰季友內知慶父之情力不能誅故避其難出奔

上同

案知慶父之情者知其通於哀姜而哀姜欲立之也

立閔公

服曰閔公於是年九歲

閔元年疏



案服於閔二年傳注云公卽位時年九歲與此注合若然則閔  
公二年公被弑時當爲十一歲而服於僖二年注云閔公死時  
年九歲疑有錯誤

賈服註輯述 卷四

吉



平氏薨錄齊論題

公二年公薨錄却當爲十一歲而服於僖二年注云閔公死時  
案服於閔二年注云公薨於僖二年此與此注合當然則

嘉興李貽德學

閔公

元傳因重固 服曰重不可動因其不可動而堅固之本疏

案說文重厚也呂覽貴生注重大厚大故不可動國語鄭語注

廣雅釋詁並云因就也固之言堅者詩天保傳云固堅也襄十

四年傳因重而撫之卽此意

以滅耿滅霍滅魏 服曰三國皆姬姓魏在晉之蒲坂河東也晉世

家注○元和郡縣志十  
四引魏在晉之蒲坂

案襄二十九年傳霍楊韓魏皆姬姓也史記管蔡世家言文王

賈服註輯述 卷五

子霍叔處封於霍其後晉獻公時滅霍詩魏風譜魏者周以封

同姓焉彼疏曰魏世家言周以封同姓子漢書地理志魏亦姬

姓在晉之南河曲又河東郡皮氏自注耿鄉故耿國杜注亦云

姬姓是三國皆姬姓也地理志河東郡蒲反自注故曰蒲應劭

曰秦始皇東巡見長坂故加反云孟康曰本蒲也晉文公以賂

秦後秦人還蒲魏人喜曰蒲反矣謂秦名之非也臣瓚曰秦世

家云以垣爲蒲反然則本非蒲也又河北自注詩魏國晉獻公

滅之以封大夫畢萬按此則魏非在蒲阪矣詩譜云魏者虞舜

所都之地彼疏引皇甫謐云舜所營都或云蒲坂卽河東縣是

也然則魏都河北蒲坂近之故云虞舜所都之地謂境內有其

都耳據此則服亦即境內言之也坂阪同王萬萬萬始名億分之都城服曰邑有先君之主曰都晉世家注五善曰禮貨之至萬

案此莊二十八年傳文

而位以卿服曰謂將下軍同

案周禮大司馬軍將皆命卿今申生將下軍是位以卿也

先為之極服曰言其祿位極盡於此也同

案周禮太宰職注班祿所以富臣下位爵次也又以八則治都

鄙注都鄙公卿大夫之采邑王子弟所食邑禮記禮運諸侯有

國國即采邑以處其子孫是不得嗣位者乃有都邑今申生封之曲

沃是祿已極矣白虎通爵篇王者太子亦稱土何舉從下升以

賈服註輯述卷五

為人無生得貴者士冠經曰天子之元子士也然則諸侯世子

亦士列也今申生位以下卿是位已極矣表記注極猶盡也極

盡於此言祿位止於此也

卜偃賈曰卜偃晉掌卜大夫郭偃同

案國語晉語郭偃韋昭注郭偃晉大夫卜偃也是用賈義稱卜

大夫者言為掌卜大夫也

萬盈數也魏大名也服曰數從一至萬為滿魏喻巍巍高大也

同案此莊二十八年傳文

案御覽七百五十引風俗通十千謂之萬正義曰數從一至萬

每十則改名至萬以後稱一萬十萬百萬千萬萬萬始名億從

是以往皆以萬爲極是至萬則數滿也魏世家萬滿數也是盈  
爲滿也淮南假真注巍巍高大故曰魏闕孟子音義下引丁音  
魏魏當作巍巍是魏魏義同也顧氏南原云說文巍从鬼委聲  
巍高之巍卽魏國之巍今魏國字省作魏按魯峻碑陰巍郡衡  
方碑恢巍絳之和戎韓敕兩側題名巍令楊著碑陰巍郡陳球  
後碑巍郡武梁祠堂畫象象巍湯君石門頌南鄭巍整華山亭  
碑戶曹掾巍嘗威魏皆作巍或作魏服以巍巍釋音義相兼也  
韋緯書當塗高指魏三國志杜瓊傳魏者大也是兼高大言之  
以是始賞天啟之矣 賈曰以魏賞畢萬是謂天開其福同上

案說文賞賜有功也禮記月令注賞謂有功德者有以顯賜之  
賈服註輯述 卷五 三

也釋名釋姿容廣雅釋詁並云啟開也襄十八年傳善人富謂  
之賞郊特性富也者福也畢萬受此顯賜是天開其福矣

筮仕于晉 服曰畢萬在周筮仕于晉本疏

遇屯之比 賈曰震下坎上屯坤下坎上比屯初九變之比晉世家注

辛廖 賈曰辛廖晉大夫同上

年經吉禘于莊公 賈曰禘者遞也審遞惠校本宋本作諦昭穆遷主遞位

孫居王父之位禮記王制疏

案禘之言遞以音義兼釋也爾雅釋言遞迭也說文遞更易也

廣雅釋詁遞代也審遞昭穆者言審視而更易之也禮記王制

天子七廟三昭三穆與太祖之廟而七諸侯五廟二昭二穆與

太祖之廟而五周禮小宗伯注自始祖之後父曰昭子曰穆遷  
主遞位者杜注云三年喪畢致新死者之主於廟廟之遠主當  
遷入祧孫居王父之位者爾雅釋親父之考爲王父如王父昭  
則孫亦昭位王父穆則孫亦穆位

九月夫人姜氏孫于邾賈服曰文姜殺夫罪重故去姜氏哀姜  
殺子罪輕故不去姜氏本疏

案莊元年夫人孫于齊傳曰絕不爲親以文姜與弒桓公故舍  
族以絕之明其罪重也慶父通哀姜而子般見殺是哀姜有殺  
子之罪然輕於文姜故不去氏

傳號公敗犬戎于涓隊服曰隊謂汭也水經涓水注

賈服註輯述 卷五 四

案今本作汭與服異服以隊汭音義相同故舉以釋也穆天子  
傳于是得絕鉞山之隊注隊謂谷中險阻道也谷中之險阻爲  
隊崖岸之隈曲亦爲隊義互證也說文汭水相入也書召誥攻  
位于洛汭鄭注隈曲中也爾雅釋耶隩隈說文隈水曲隩也淮  
南原道以曲隈深潭相予高注曲隈崖岸委曲

初公傅奪卜齧田公不禁賈曰卜齧魯大夫魯世家注服曰公卽位

時年九歲本疏

使卜齧賊公子武闈賈曰宮中之門謂之闈魯世家注

案此爾雅釋宮文郭注謂相通小門也說文闈宮中門考工記  
匠人闈門容小扃參个鄭注小扃長二尺參个六尺

閒于兩社 賈曰兩社周社亳社也兩社之閒朝廷執政之臣所  
在上

案白虎通社稷篇人非土不立故封土立社示有土也又云春  
秋傳曰天子有大社焉東方青色南方赤色西方白色北方黑  
色土冒以黃土故將封東方諸侯取青土苴以白茅包土者使  
立國社魯爲周王所封故國社謂之周社亳社則哀四年亳社  
災穀梁傳曰亳社者亳之社也亳亡國也亡國之社以爲廟屏  
戒也注立亳之社於廟之外是魯有亳社矣周禮小宗伯掌建  
國之神位右社稷左宗廟注庫門內雉門外之左右司士職注  
此王日視朝事於路門外之位太宰職注治朝在路門外大僕

賈服註輯述

卷五

五

職注燕朝朝於路寢之庭朝士職注外朝在庫門之外又云周  
天子諸侯皆有三朝外朝一內朝二內朝之在路門內者或謂  
之燕朝若然則魯之外朝在庫門之外治朝內朝則與王所在  
同宗廟社稷旣在雉門之外雉門外無朝不得云執政所在矣  
定二年雉門及兩觀災則兩觀當在雉門之側禮記禮運昔者  
仲尼與於蜡賓出遊於觀之上蜡祭在廟云出遊於觀之上可  
證魯之宗廟宜在雉門內周禮注云在雉門外者指王之宗廟  
言之右社稷左宗廟亳社爲廟屏是亳社在左周社在右玉藻  
諸侯朝服以日視朝於內朝注此內朝路寢門外之正朝也卽  
周禮所謂治朝是也江氏永曰治朝外朝皆是平地無堂階故

謂之朝廷廷者平地也服云朝廷執政之臣所在專指治朝不兼外朝言所謂閒于兩社也爾雅釋宮中庭之左右謂之位注羣臣之列位也雖分左右總在兩社之間傳所謂有位於朝是也

季氏亡則魯不昌 服曰謂季友出奔魯弑二君本疏

案二君謂子般閔公也子般未成君而稱君者統辭也

鶴有乘軒者 服曰車有藩曰軒同上

案說文軒曲輻藩車也文選東京賦薛注屬車有藩者曰軒周禮巾車注藩今時小車藩漆席以為之亦作輻漢書景紀朱兩輻應劭曰車耳反出所以為之藩屏翳塵泥也以簞為之或用

賈服註輯述 卷五

革續漢書輿服志注車有輻者謂之軒羽獵賦注引韋昭車有輻曰軒廣雅釋器輻箱也亦作蕃續漢書輿服志引通俗文車箱為蕃太元積次四君子積善至於車耳測曰君子積善至于蕃也嚴舉碑位至蕃車是也

齊人使昭伯烝于宣姜 服曰昭伯衛宣公之長庶偁之兄宣姜

宣公夫人惠公之母 詩牆有茨疏

歸夫人魚軒 服曰魚獸名 詩采芣疏

案詩采芣疏引陸璣義疏云魚獸似豬東海有之其皮背上斑文腹下純青今以為弓韉步叉者也彼詩曰象弭魚服此曰魚軒然則可以飾器惟此魚獸耳

重錦三十兩服曰重牢也

疏本

案廣雅釋詁牢堅也爾雅釋詁擊固也郭注擊然牢固蓋重則

牢固矣服故以牢釋重也賈注服云皋落氏赤翟之

都也水經河水注四文貴宮貴室諸子諸祗於不宮不屋謂祀云外水

里克賈注曰里克晉卿里季也晉世家注文惠子以公族之無事晉

案國語晉語韋昭注里克晉大夫里季也與賈同蓋季為克之

音字也說文曰無軍服曰於外大夫守服於之祀無節軍士

以朝夕視君膳者也服曰厨膳飲食同上

案一切經音義十五引蒼頡篇厨主食者也周禮序官膳夫注

賈服註輯述卷五

膳之言善也又膳夫職注食飯也飲酒漿也厨即彼職所云徹

於造者也

有守則從從曰撫軍服曰有代太子守則從之助君撫循軍士

案禮記文王世子公若有出疆之政庶子以公族之無事者守

於公宮諸父守貴宮貴室諸子諸孫守下宮下室即所云代太

子守者也賈注東山赤翟服膳晉世家注云外水

君與國政之所圖也賈注曰國政正卿也同上

君其舍之服曰舍之置申生勿使將兵也御覽一百四十六

不對服曰里克不對同上

不對服曰里克不對同上



教之以軍旅 賈曰將下軍

晉世家注

無懼弗得立 服曰不得立已也

同上

公衣之偏衣 服曰偏褻之衣偏異色駁不純褻在中左右異故

曰偏衣

同上

案國語晉語衣之偏褻之衣韋昭注褻在中左右異故曰偏韋

多本賈注則服賈同也一切經音義十七引蒼頡篇駁不純色

也說文駁馬色不純漢書梅福傳白黑雜合謂之駁一切經音

義十七又引通俗文黃白雜謂之駁犖褻說文新衣聲一曰背

縫史記趙世家王夢衣偏褻之衣正義亦曰衣背縫也是衣蓋

以背縫分而左右各自為色也

賈服註輯述 卷五

八

佩之金珰 服曰以金為珰也

同上

案國語晉語注珰如環而缺漢書五行志注後漢書馮魴傳注

並云半環曰珰珰以玉為之故字從玉說文玉佩也楚辭九歌

注同今乃以金為之

狂夫阻之 服曰阻止也方相之士蒙元衣朱裳主索室中歐疫

號之為狂夫止此服言君與太子以狂夫所止之服衣之

本疏

案國語晉語且是衣也狂夫阻之衣也是明言狂夫所服者如

杜以狂夫猶知有疑為解則晉語所言為不辭矣韋昭注云狂

夫方相氏之士也阻古詛字將服是衣必先詛之周禮方相氏

黃金四目元衣朱裳執戈揚盾以歐疫也韋以阻為詛服以阻

爲止釋阻字雖不同而以狂夫爲方相則韋服同也當是相傳之古義如是方相氏見周禮司馬篇後鄭注云以驚毆疫癘之鬼如今魃頭也時難四時作方相氏以難卻凶惡也

與其危身以速罪也 服曰速召也疾也言太子不去身必危疾

召罪狐突知其亂本旣成而太子拘於一節不達至孝之義與臯

落雖戰勝而歸猶不能免於難而使父有悖惑殺子之罪故傳備

眾賢之言以迹太子所以死也 御覽百四十六○恭冕謹案洪本

太子申生此亦似非服義

聞成季之繇 服曰繇抽也抽出吉凶也 周易釋文

案儀禮少牢饋食禮注吉凶之占繇釋文繇卦兆辭繇抽聲相

### 賈服註輯述 卷五

九

近說文抽引也或从由莊子天地釋文引李注亦曰抽引禮記

月令審卦吉凶繇辭所以引其緒也

衛文公大布之衣 服曰戴公卒在於此年 詩定之方中疏

案詩定之方中序箋云戴公立一年而卒史記衛世家戴公元

年卒復立其弟文公詩疏云狄以十二月入衛懿公死其月戴

公立而卒又文公立則戴公立未踰月卽卒故服云卒在此年

與其危身以速罪也 服曰速召也疾也言太子不去身必危疾

召罪狐突知其亂本旣成而太子拘於一節不達至孝之義與臯

落雖戰勝而歸猶不能免於難而使父有悖惑殺子之罪故傳備

眾賢之言以迹太子所以死也 御覽百四十六○恭冕謹案洪本

春秋左氏傳賈服註輯述卷六

僖公親季大夫之喪至自齊元賈曰殺子輕故但貶姜本

年經夫人氏之喪至自齊賈曰殺子輕故但貶姜本

案穀梁傳曰其不言姜以其殺二子貶之也賈蓋本此言殺子

公罪輕故但貶姜援文姜去姜氏以明之也

傳公敗邾師于偃虛邾之戎將歸者也服曰虛邾魯邑魯有亂

邾使兵戍虛邾魯與邾無怨因兵將還要而敗之所以惡僖公也

案說文云戍守邊也詩采芣序遣戍役也箋云戍守也子般之

賈服註輯述卷六

弑成季以僖公適邾邾人因為魯戍虛邾以為之援及公位已

定故戍卒將還要者荀子儒效注云邀也漢書趙充國傳注云

遮也言公邀遮而敗之也杜云邾人因戍虛邾欲以侵魯傳無

明文不如服釋傳意之為得也

公賜季友汶陽之田及費魯世賈曰汶陽鄭魯二邑家注

案汶陽在汶水之陽水經汶水篇注汶水西逕汶陽故城北而

西注即此汶陽也漢書地理志魯國汶陽師古曰即左傳所云

公賜季友汶陽之田者也又東海郡費班氏自注云故魯季氏

邑沂水篇注云治水又東南流逕費縣故城南為魯季孫之邑

年經城楚邾賈曰楚邾衛地史記索

隱十

年

經城楚邾賈曰楚邾衛地史記索

案僖二年傳諸侯城楚邳而封衛焉十二年傳諸侯城衛楚邳之鄆是楚邳爲衛地也漢書地理志山陽郡成武自注云有楚

邳亭

晉世

滅夏陽

服曰夏陽號邑也在大陽東三十里城南

水經河水注四〇戴校以

城南爲衍文

案左氏作下陽公羊作夏陽服本同公羊漢書地理志宏農郡

陝自注云故號國北號在大陽服所本也

江人黃人賈曰江黃稱人刺不度德善鄰恃齊背楚終爲楚所

滅

水經淮水篇淮水又東逕安陽縣故城南江國也今其地有

賈服註輯述

卷六

二

江亭又云柴水又東逕黃城西當卽此經之黃也其地皆與楚鄰不度德善鄰並傳文也說文云恃賴也楚辭惜誦注背違也

言江黃於齊之遠賴之於楚之近違之後遂爲楚滅十二年滅

黃文四年滅江卽其事也

傳請以屈產之乘公服曰產生也

公羊本年疏

案周禮大宗伯以天產作陰德注天產者動物謂六牲之屬是

馬可名產孟子趙注亦云產生也

東晉地理志

假道于虞以伐虢

賈曰虞在晉南號在虞南

晉世家注

案漢書地理志河東郡大陽自注云吳山在西上有吳城周武

王封太伯後於此是爲虞公又絳注云晉武公自由沃徙此又

宏農郡陝注云故虢國有焦城北虢在大陽

冀爲不道入自顛軫伐鄭三門服曰冀伐晉也

本疏

案說文鄭晉邑春秋傳曰伐鄭三門是服許同義

冀之既病則亦惟君故服曰虞助晉也將欲假道稱前恩以誘

之疏

本疏

本疏

本疏

三傳蕩公賈曰蕩搖也

齊世家注

案禮記樂記注蕩猶動也廣雅釋詁搖動也是搖卽蕩也

四經蔡漬服曰民逃其上曰潰也

同上

案見文三年傳

許男新城卒賈曰不言于師善會主加禮若卒於國

本疏

賈服註輯述 卷六

三

案成十三年曹伯廬卒于師今許男卒于師而不言者蓋以善

會主之能加禮也會主斥齊桓加禮卽傳云葬之以侯禮也云

若卒於國者穀梁傳曰諸侯死于國不地死於外地死於師何

爲不地內桓師也彼注云齊桓威德洽著諸侯安之雖卒於外

與其在國同

楚屈完來盟于師服曰言來者外楚也

本疏

案隱元年天王使宰咺來歸惠公仲子之賵杜曰來者自外之

文穀梁傳曰來者何內桓師也內桓師則外楚矣服故云然也

傳唯是風馬牛不相及也賈服曰風放也牝牡相誘謂之風

賈義

見書費誓疏○服義見本疏

案書費誓馬牛其風史記集解引鄭注云風走逸孟子云如追放豚則放亦走逸之謂說文云牡畜父牝畜母廣雅釋獸牡雄也牝雌也誘者禮記樂記注云引也牝牡相誘者言雌雄相引而放逸也二十八年傳晉中軍風于澤杜云牛馬因風而走皆失之是也

昔召康公

服曰召公奭

齊世家注

莫幽其害惡窮賤哀哀曲盡

案說文以奭爲召公名史記燕世家云召公奭與周同姓白虎通王者不臣篇召公文王子也詩甘棠疏引皇甫謐云文王庶子孫先生尙書今古文疏云傳載文王之子無名奭者史記集解引譙周曰周之支族食邑於召與史記同姓之說合

賈服註輯述

卷六

四

五侯九伯

賈服曰五等諸侯九州之伯

周官大宗伯疏○詩旄

伯子男九伯九州之長

邱疏引服云五侯公侯

案禮記王制云王者之制祿爵公侯伯子男凡五等旣各有主名矣而統謂之侯者隱七年傳疏云諸侯者公侯伯子男之總號周之九州據職方氏爲雍冀幽并青揚豫荆兗是也曲禮九州之長入天子之國曰牧注云每一州之中天子選諸侯之賢者以爲之牧也若然則九伯當稱九牧而此言伯者周禮大宗伯八命作牧注云謂侯伯有功德者加命疏云牧用侯伯不定若有賢侯則用侯若無賢侯則用伯可也王制二百一十國以爲州州有伯注云凡長皆因賢侯爲之殷之州長曰伯虞夏及

周皆曰牧是伯卽牧也白虎通封公侯篇州伯何謂也伯長也  
選擇賢良使長一州故謂之伯詩旄邛疏引張逸受春秋異讀  
鄭云五侯侯爲州牧也九伯伯爲州伯也是鄭氏以牧屬侯與  
賈服說異

女實征之服曰太公爲王官之伯掌司馬職以九伐之法征討

邦國故得征之詩疏

案禮記檀弓注云齊太公受封留爲太師是爲王官之伯矣旣

爲太師而曰掌司馬職者詩淇澳疏引書顧命鄭注云公兼官

以六卿爲正次鄭志答趙商問謂三公兼師保則得師保之稱

是三公之有師保有其人則設其實以六卿爲實職白虎通封

賈服註輯述 卷六 五

公侯篇云王者所以立三公何司馬主兵司徒主人司空主地

以見三公有實職也然則太公雖官爲太師而其職則司馬也

知者大明詩云維師尙父時維鷹揚變伐大商史記齊世家述

太公師尙父左仗黃鉞右把白旄以誓號曰蒼兕蒼兕總爾眾

庶與爾舟楫後至者斬樂記云發揚蹈厲太公之志也是周之

興也太公實掌兵政掌兵政則司馬職也九伐之法者周禮大

司馬以九伐之灋正邦國注云諸侯之于國如樹木之有根本

是以言伐云其法則曰眚曰伐曰壇曰削曰侵曰正曰殘曰杜

曰滅是也

東至于海西至于河南至于穆陵北至于無棣服曰是皆太公

始受封土地疆境所至也

齊世家注

案史記齊世家云於是武王已平商而王天下封師尙父於齊營邱是太公始封卽在平商之後矣正義曰中候云齊桓霸邊八流以自廣計桓公之時齊之西竟當在九河之最西徒駭蓋是齊之西界其東至海當盡樂安北海之東界也穆陵無棣春秋土地名並闕集解云皆齊境也周禮序官掌疆注云疆界也詩召旻箋國中至邊竟釋文云竟本亦作境是疆境所至言至四邊之界也

爾貢包茅不入

賈曰包茅菁茅包匭之也以供祭祀

同上

案書禹貢包匭菁茅史記集解引鄭注云菁茅茅有毛刺者管

賈服註輯述

卷六

六

子輕重丁篇江淮之間一茹三春名曰菁茅鄭注又云匭纏結也給宗廟縮酒重之故包裹又纏結也劉逵注吳都賦亦云旣包裹而又纏結之賈云包匭之者亦言包之而又匭之也周禮甸師祭祀其蕭茅注鄭大夫云蕭字或爲茜茜讀爲縮束茅立之祭前沃酒其上酒滲下去若神飲之故謂之縮縮浚也元謂茅以共祭之苴亦以縮酒苴以藉祭縮酒沛酒也醴齊縮酌說文云茜禮祭束茅加於禩圭而灌鬯酒是爲茜象神歆之也卽引此傳文是茅爲供祭祀之用故下文云王祭不供也

昭王南征而不復

服曰周昭王南巡狩涉漢未濟船解而溺昭

王王室諱之不以赴諸侯不知其故故桓公以爲辭責問楚也

同上



案呂覽音初云周昭王親將征荆還反涉漢梁敗王抔於漢中  
是呂覽云梁敗也服云船解者本疏及穀梁疏云舊說皆言漢  
濱之人以膠膠船故得水而壞昭王溺焉與呂覽異所謂傳聞  
異辭也王室諱之不以赴諸侯不知者史記周本紀云昭王南  
巡狩不返卒於江上其卒不赴告諱之也

方城以爲城漢水以爲池

服曰方城山在漢南

同上。詩疏引作方城山也。

漢水名皆楚之隘塞耳

詩殷武疏

案水經無水篇注引郡國志葉縣有方城郭仲產曰苦菜于東  
之間有小城名方城尋此城致號之由當因山以表名也盛宏  
之曰葉東界有故城始雙縣東至灞水達比陽界南北聯聯數  
百里號爲方城一謂之長城云北面雖無基築皆連山相接而  
漢水流其南是方城在漢南也史記集解引韋昭曰方城楚北  
之阨塞阨卽隘也

死王事

賈曰謂朝天子以命用師

御覽五百五十三

案周禮大宗伯時見曰會注時見者言無常期諸侯有不順服  
者王將有征討之事則旣朝覲王爲壇於國外合諸侯而命事  
焉賈約此義以釋王事也

於是而有袞斂

賈曰袞斂上公九命服袞也

案禮記玉制曰制三公一命卷若有加則賜也注云卷裕讀也  
其通則曰袞三公八命矣復加一命則服龍袞周禮曰諸公之

服自衮冕而下則如王之服疏三公八命身著鷩冕若加一命則爲上公而著衮冕是上公九命始得衮冕也鄭注覲禮云上公衮無升龍說文衮幅一龍蟠阿上嚮謂之升龍惟天子有之故白虎通引傳云天子升龍諸侯降龍禮疏許穆公死王事故加二等而得公服斂也許男爵加二等僅得視伯而此得從公服者白虎通爵篇言殷爵三等謂公侯伯也所以合子男從伯者何王者受命改文從質無虛退人之義故上就伯也是公爲一等侯爲一等伯子男爲一等也

太子祭于曲沃晉世家注服曰齊姜廟所在

案晉語夫曲沃君之宗也韋注宗本宗也曲沃桓叔之封先公

賈服註輯述 卷六 八

宗廟在焉又悉於武公韋昭注云廟在曲沃春秋釋例內大夫卒葬例云卒哭而祔於祖姑故齊姜之廟在曲沃也

五傳公既視朔遂登觀臺服曰人君入太廟視朔合朔天子曰

靈臺諸侯曰觀臺禮記玉藻疏。賈服曰靈臺在太廟明堂之中

詩靈臺疏。玉藻疏通典四十四引服曰在明堂之中文承天子曰靈臺諸侯曰觀臺之下辭意不明。賈服皆以

廟學明堂爲詩靈臺疏。文二年疏賈服皆以祖廟與明堂爲一

案玉藻天子聽朔於南門之外諸侯皮弁聽朔於太廟聽朔即

視朔五經異義諸侯歲遣大臣之京師受十二月之正還藏於

太廟中月旦朝廟存神有司因告曰今月當行某政是視朔告

朔之禮必於太廟行之云人君者統天子諸侯言異義又引左

氏說天子靈臺在太廟之中諸侯有觀臺亦在廟中是靈臺觀臺以天子諸侯異名服亦與許同也詩靈臺疏引盧植禮記注曰明堂卽太廟也天子太廟上可以望氣故謂之靈臺中可以敘昭穆故謂之太廟圓之以水似璧故謂之辟雍又引穎容春秋注行禘祫敘昭穆謂之太廟告朔行政謂之明堂占雲物望氛祥謂之靈臺其四門之學謂之太學淮南本經訓高誘注告朔朝歷頒宣其令謂之明堂其中可以敘昭穆謂之太廟其上可以察氛祥望雲氣謂之靈臺諸說皆以廟學明堂爲一而靈臺卽在太廟明堂中也

狐裘蒙茸

服曰蒙茸以言亂貌

晉世家注

賈服註輯述

卷六

九

案今本作龙茸詩下國駿厖荀子榮辱篇引作駿蒙厖同龙得通蒙也詩旄邛狐裘蒙戎傳云蒙戎以言亂也蒙茸與蒙戎同故服據毛傳以釋

一國三公吾誰適從

服曰三公言君與二公子將敵故不知所

從

上

披斬其祛 服曰祛袂也

同上

案說文云祛衣袖也詩遵大路羔裘傳並同然有析言之者儀

禮喪服注祛袖口也檀弓注祛謂衰緣袂口也玉藻注祛口也

喪服云袂屬幅祛尺二寸幅謂衣之身也深衣云袂之長短反

詘之及肘是屬於幅長於手反詘至肘皆袂也其袂近口又別

名爲祛故鄭每析言之也正義曰袂是總名得以袂表祛故云祛袂說文云袂褻也

會王太子鄭賈曰惠王以惠后故將廢太子鄭而立王子帶故

齊桓帥諸侯會王太子以定其位

御覽一百四十六

案杜注全同正義曰二十四年傳曰不穀不德得罪于母氏之寵子帶書曰天王出居于鄭辟母弟之難也如彼傳文則襄王與子帶俱是惠后所生但其母鍾愛其少子故欲廢太子而立之周本紀云襄王母早死後母曰惠后生叔帶與傳不同史記謬也七年惠王崩襄王畏子帶不敢發喪知此時有廢太子之神意故齊桓帥諸侯會太子定其位安王國也

賈服註輯述

卷六

十

輔車相依服曰輔上頷車也與牙相依

詩頷人疏

案易艮上六艮其輔虞翻作輔是輔本作輔說文云輔頰也玉

篇引傳作輔車相依楚辭大招屬輔奇牙王逸注云言美人頰有屬輔口有奇牙淮南說林訓奇牙出屬輔搖高誘注云屬輔頰邊文婦人之媚也又曰屬輔在頰則好詩頷人傳云情好口

輔也說文云頰面旁也屬輔在頰卽俗所謂笑靨此皆自外言之至服所云上頷車則謂上下持牙之骨釋名釋形體所云頷

或曰輔車或曰牙車或曰頷車或曰頰車或曰颯車咸卦咸其

輔頰舌虞注亦曰上頰車凡此皆自內言之段氏曰服注左傳

謂之上頷車然則在下持牙者亦得曰下頷車矣必云上頷車

者言黼則言上是也楚辭怨世余生終而無所依王逸注依保也言與牙相保也

號仲號叔 賈曰號仲封東號制是也號叔封西號號公是也

本疏

案晉語文王敬友二號韋昭注云二號文王弟號仲號叔也又

鄭語言濟洛河潁之間號鄭爲大注云號東號號仲之後史記

鄭世家集解引虞翻曰號姬姓東號也漢書地理志注引臣瓚

曰初桓公寄孥與賄於號會之間幽王既敗二年而滅會四年

而滅號鄭世家集解引徐廣曰號在成臯地理志河南郡成臯

注云故虎牢或曰制隱元年傳云制巖邑也號叔死焉蓋卽東

號封地鄭語西有虞號注云號號叔之後西號也地理志宏農

賈服註輯述 卷六

十一

郡陝注云故號國此卽所謂西號號公指號公醜正義謂賈氏

東號西號之言亦以意解不可審知按國語旣指號叔之封曰

西有虞號是當時自指號仲之封爲東號矣隱元年傳杜解亦

曰號叔東號君也正義曰言所滅之君字叔也案傳燕國有二

則一稱北燕邾國有二則一稱小邾此號國有二而經傳不言

東西者於時東號已滅故西號不稱西其並存之日亦應以東

西別之是疏於杜義亦以東西之稱爲然也

甚愛之也 服曰愛之甚

本疏

案甚本今作其正義曰愛之謂愛虞也服虔作甚當謂愛桓莊

之族甚也愛之若甚何以誅之且文勢不順又改字失真繆之

甚也案愛之自當主桓莊言之是釋上文親字言理當甚愛之也而尙以寵偏害之况虞本非所愛乎所以警虞公者甚至若正義謂愛爲愛虞真是文勢不順矣其甚二字經典往往相亂此語杜氏無解則甚之爲其或亂於六朝本乎

民不易物惟德繫物 服曰繫發聲也言黍稷牲玉不易無德薦

之則不見享有德則言饗言物爲有德用也

詩洞  
酌疏

案發聲者凡聲之發有舒有閒所謂語助辭也周禮甸師注盞盛祭祀所用穀也小宗伯六齋注六齋謂六穀黍稷稻粱麥苡是六穀皆爲祭祀之用而獨舉黍稷者禮記月令注以稷爲首種管子輕重篇以黍爲穀之美者故楚茨詩曰我黍與與我稷賈服註輯述

卷六

三

翼翼舉黍稷足以包餘穀矣祭義云古者天子諸侯必有養獸之官王制云賜圭瓚然後爲鬯小宗伯注天子圭瓚諸侯璋瓚考工記玉人大璋中璋邊璋注於大山川則用大璋於中山川用中璋於小山川用邊璋是牲玉皆以祭祀者也其物有常制未嘗改易而饗與不饗則係於德之有無也

衿服振振

賈曰衿同也

周禮司  
几筵疏

服曰衿服黑服也

文選周  
居賦注

案衿今本作均說文衿讀若均是均以聲同相段其本字當作衿也呂覽悔過今衿服回建注衿同也兵服上下無別故曰衿服淮南齊俗尸祝衿衽注云衿純也純亦同也服云黑服者說文云衿元服也漢書五行志引傳衿服振振注云謂黑衣續漢

輿服志注引吳都賦注云衾卓服也與說文元服訓同竊謂兵服上下皆黑衣故曰衾服賈服各舉一義其實互相成也

而修虞祀 服曰虞所祭祀命祀也

晉世家注

案命祀也者周禮大宗伯乃頒祀於邦國注頒讀爲班班其所當祀及其禮大祝建邦國禁督逆祀命者注督正也正王之所命諸侯之所祀有逆者則刑罰焉是諸侯祀典皆受之王朝故

曰命祀今虞滅而仍修其舊班之祀典焉

玉篇班一曰小寢五

<sup>六</sup>年傳使賈華伐屈 賈曰賈華晉右行大夫

同上 禮記三曰小寢其

案十年傳右行賈華是華爲右行大夫也

禮記三曰小寢其

<sup>七</sup>年傳子華由是得罪于鄭 服曰鄭伯罪之也

御覽一百四十六

賈服註輯述 卷六

三

<sup>八</sup>年傳不薨于寢

服曰寢謂小寢

禮記檀弓疏

案爾雅釋宮云無東西廂有室曰寢公羊莊三十二年公薨于

路寢注天子諸侯皆有三寢一曰高寢二曰路寢三曰小寢其

實天子六寢周禮宮人掌王之六寢之脩注謂路寢一小寢五

是也禮記玉藻退適路寢又云大夫退然後適小寢釋服注小

寢燕寢也路寢與小寢各別喪大記云君夫人卒於路寢是夫

人所卒之地亦名路寢也正義曰言夫人卒於路寢謂卒於夫

人之夫寢對君路寢爲小故云小寢也

不殯于廟 服曰廟謂殯宮鬼神所在謂之廟

同上

案禮記檀弓云殷朝而殯於祖周朝而遂葬則周制不殯於廟

里而此云不殯於廟則弗致似正禮當殯於廟者鄭氏以爲春秋變周之文從殷之質故殯於廟服氏不從者以春秋從時王之制不得用公羊說知殯宮亦可稱廟者儀禮士喪禮云巫止於廟門外其時尸在適寢也士虞禮云側亨於廟門之右東面其時亦迎魂反神在寢也非廟而皆稱廟鄭注士喪禮云凡宮有鬼神曰廟注士虞禮云鬼神所在則曰廟一切經音義十四引韓詩亦云鬼神所居曰廟是古說如是其實春秋時變禮不必如檀弓所云傳稱晉文公卒將殯于曲沃周禮喪祝注云晉宗廟在曲沃是實殯於廟矣鄭君謂從殷之質其說亦確云云

九傳

以伯舅耄老

服曰七十曰耄

詩車鄰疏。禮記射義疏。

本反廿八曰

賈服註輯述

卷六

十四

案禮記曲禮七十曰老八十九曰旄釋文云本或作八十曰耄九十曰旄後人妄加之邵氏爾雅正義曰按禮記古本云八十曰耄今本脫曰耄二字毛傳說文俱用禮記古本蒙謂易釋文引馬融注云七十曰耄公羊宣十二年傳注則曰六十稱耄爾雅釋言舍人注亦曰耄年六十稱也毛許及王肅易注則曰八十射義疏引鄭易注則曰年踰七十使古本果有曰耄二字諸家所稱不應參差若此是耄爲耆老概稱自六十至八十並得稱也服云七十曰耄者正義曰曲禮云七十曰老爾雅以耄爲老故以爲七十蓋杜亦從服說也

里克平鄭欲納文公故以三公子之徒作亂賈曰平鄭晉大夫



三公子申生重耳夷吾也

晉世家注

案晉語驪姬曰吾欲作大事而難三公子之徒又里克將殺奚齊先告荀息曰三公子之徒將殺孺子韋昭注徒黨也

及高梁而還

服曰高梁晉地也

同上

案續漢郡國志河東郡楊有高梁亭劉昭注引地道記云有梁

城去縣五十里叔嚮邑也

秦本紀注

公謂公孫枝

服曰秦大夫公孫子桑

秦本紀注

案左傳子桑之忠也其知入也能舉善也又貽厥孫謀以燕翼

子子桑有焉子桑即公孫枝論語子桑伯子鄭亦以為秦大夫

年傳周公忌父

賈曰周卿士

晉世家注

賈服註輯述

卷六

五

狐突適下國服曰晉所滅國以為下邑

同上

案耿霍楊魏虞虢皆晉所滅之國此下國未審其地以為下邑者廣雅釋詁云邑國也是下國猶下邑也地已滅而猶稱國者

公猶禮所謂因國也

秦大夫公孫子桑

夷吾無禮

賈曰烝於獻公夫人賈君故曰無禮

疏本

案莊二十八年傳曰晉獻公娶于賈是正妃故稱君詩鶉奔我

以為君傳曰君國小君疏云夫人對君稱小君以夫妻一體言

之亦得曰君襄九年左傳烝穆姜曰君必速出是也十五年傳

曰晉侯之入也秦穆姬屬賈君焉晉侯烝于賈君服氏曰上淫

曰烝禮記曲禮曰夫禮所以別上下也今惠公為鶉鶉之行故

曰無禮正義引馬融說申生不自明而死夷吾改葬之章父之過故曰無禮亦足補賈義也

余得請于帝矣

服曰帝天帝請罰有罪晉世家注

禮西南集也

案周禮大宗伯以禋祀祀昊天上帝注昊天上帝冬至於圜丘

所祀天皇大帝書舜典肆類於上帝馬注上帝太乙神君爽格

於上帝鄭注上帝太微中其所統也公羊宣三年傳帝牲不吉

注帝皇天大帝在北辰之中主總領天地五帝羣神也卽此天

帝也請罰有罪者禮記王制郵罰麗於事疏罰謂責罰其身廣

雅釋詁云罰伐也古者天人相通命德討罪赫聲濯靈詩皇矣

云既受帝祉元鳥云帝立子生商文王世子云夢帝與我九齡

賈服註輯述 卷六

洪範云帝乃震怒晉語云帝命曰使晉襲於爾門呂覽音初云

帝令燕往視之無不福善禍淫呼吸相感故在上者亦無不承

奉天憲子惠黎元後世不畏天命於是明赫之象委之虛冥板

蕩之篇無足警惕喪天輕命端基此矣此正帝擊輿出而此天

弊于韓賈曰弊敗也韓晉韓原上同

公羊宣五年韓原不告

案說文云弊頓仆也與敗義近韓晉韓原者十五年傳戰于韓

故指韓爲韓原也顧氏炎武曰三敗及韓在涉河之後此韓在

河東故曰寇深矣括地志韓原在同州韓城縣西南非也杜氏

解但云晉地

亦云韓原也

及七輿大夫服曰上軍之輿帥七人屬申生者疏本

案晉語子帥七輿大夫以待我韋昭注云七輿申生下軍大夫也與服義同此作上軍者陳樹華云上當作下阮氏校勘記云

按閔二年傳云公將上軍太子申生將下軍陳所訂是也正義

曰襄二十三年下軍輿帥七人往前申生將上上當作下軍今七輿

大夫為申生報怨欒盈將下軍故七輿大夫與欒氏炫即劉謂

服言是然則正義亦以杜氏侯伯七命副車七乘之說為不然

矣周本傳若節春秋賈曰節時也紀注

陪臣敢辭曰服曰陪重也諸侯之臣於天子故曰陪臣同

案說文陪重土也禮記曲禮列國之大夫入天子之國曰某士

賈服註輯述 卷六 七

自稱曰陪臣某疏云其君已為王臣已今又為己君之臣故自

稱對王曰重臣也

王曰舅氏 賈曰舅氏言伯舅之使也同上

案禮記曲禮天子異姓謂之伯舅注親之之辭也疏云異姓謂

之伯舅者異族重親之名也異族無父稱故呼為伯舅亦親之

故也為申生辭欒盈將下軍故呼為伯舅

年三傳謂百里平服曰百里秦大夫晉世家注

案百里當是百里奚三十二年傳疏據世族譜謂百里為姓

自雍及絳 賈曰雍秦國都絳晉國都也秦本紀注

案史記秦本紀云德公元年初居雍城詩秦風譜亦云秦仲元

孫德公又徙於雍疏云以德公之後常居雍故特言之史記集解引徐廣曰今縣在扶風顧氏炎武曰春秋時晉國本都翼在今之翼城縣及昭侯封文侯之弟桓叔於曲沃桓叔之孫武公滅翼而代爲晉侯都曲沃在今聞喜縣其子獻公城絳居之在今太平縣之南絳州之北今太平西南二十五里城址尙存釋名釋州國云國城曰都都者國君所居人所都會也

十

四經沙鹿崩

服曰沙山名鹿山足林屬於山曰鹿

本疏

案沙山名本穀梁傳文鹿山足者詩旱麓周語作旱鹿注山足曰鹿易屯卽鹿無虞釋文云五肅本作麓曰山足穀梁傳注引劉向說鹿在山下平地是鹿麓古通而訓爲山足也服云沙山

賈服註輯述

卷六

六

名鹿山足者言沙山之足也林屬於山曰鹿者亦穀梁傳文也水經濁漳水注應劭曰鹿者林之大者也杜氏云沙鹿山名平陽元城縣東有沙鹿土山正義曰漢書元后傳稱后祖翁孺自東平陵徙魏郡元城委粟里元城建公曰昔春秋沙鹿崩晉史卜之曰陰爲陽雄土火相乘故有沙鹿崩崩後六百四十五年宜有聖女興今王翁孺徙正值其地日月當之元城郭東有五鹿之虛卽沙鹿地計爾時去聖猶近所言當得其實故以沙鹿爲山名依漢書爲義也愚按晉史之言於傳無徵元城建公所云當由王氏之附會此與處者爲劉氏語本僞造班氏據之以推漢系者同失之誣杜氏反取之爲無識矣

年十五 傳公曰不孫 服曰孫順也

晉世家注

案孫本作憇說文云憇順也通作遜又作孫詩文王有聲貽厥孫謀儀禮聘禮辭無常孫而說禮記緇衣則民有孫心注皆以孫為順釋名釋言語順循也循其理也

步揚御戎家僕徒為右 服曰二子晉大夫

同上

按程公說春秋分記引世族譜卻芮從子曰步揚揚生二子曰犖曰蒲城是步揚為卻犖之父

輅秦伯 服曰輅迎也

同上

案杜注及韋昭晉語注並同說文云輅車輪前橫木也段注婁敬傳脫輓輅蘇林曰輅音凍洛之洛一木橫遮車前二人挽之

賈服註輯述

卷六

九

三人推之劉昭注輿服志曰韻集云輓前橫木曰輅按輓前當依許作輅前輓輅之車用人不用牛馬疑有輓無輓也禮經既夕篇賓奉幣由馬西當前輅注輅輓縛所以屬引疏曰謂以木縛車輅上以屬引於上而挽之若左傳梁由靡號射輅秦伯及狂狡輅鄭人皆謂車前相接可以禽之此輅引伸之義也

作爰田 服曰爰易也

本疏

案晉語云作輅田說文云爰籀文以為車輅字漢書地理志秦孝公制輅田注引孟康曰爰輅同是輅田即爰田晉語注或云輅車也以田出車賦此妄說也爰訓為易者蓋爰輅皆假借字本當作趨說文云趨趨田易居也公羊宣十五年何注云司空

謹別田之高下善惡分爲三品上田一歲一墾中田二歲一墾  
下田三歲一墾肥饒不得獨樂墾不得獨苦故三年一換主  
易居財均力平漢書食貨志曰民受田上田夫百晦中田夫二  
百晦下田夫三百晦歲耕種者爲不易上田休一歲者爲一易  
中田休二歲者爲再易下田三歲更耕自愛其處地理志注引  
張晏曰周制三年一易以同美惡古者每歲易其所耕則田廬  
皆易云三年者三年而上中下田皆徧三年後仍耕上田故曰  
爰易也惠公之前古制已廢肥瘠不相換易今受賞之後民眾  
大和復作爰田之制使三年一易財均力平不私其利欲以富  
士國也下文作州兵亦復周制以強兵也

賈服註輯述

卷六

三

士刳羊

服曰離爲戈兵兌爲羊

本疏

案睽之上卦爲離離爲戈兵易說卦文虞翻曰乾爲金離火斷  
乾燥而鍊之故爲戈兵也歸妹士刳羊無血釋文引馬注云刳  
刺也廣雅釋言云刳劊也刺刳當用戈兵也歸妹之下卦爲兌  
兌爲羊亦說卦文周禮疏引鄭易注其畜好剛鹵易疏引王虞  
注羊者柔順之畜故爲羊也

西鄰責言不可償也

服曰三至五爲坎坎爲月月生西方故爲

西鄰坎爲水兌爲澤澤聚水故坎責之澤澤償水則竭故責言不  
可償

本疏

案三至五爲坎者歸妹睽互體皆有坎也坎爲月易說卦文

選月賦注引鄭易注臣象也虞翻曰坤爲夜以坎陽光坤故爲月也禮記祭義云月生於西故曰生西方也坎爲水說卦文宋衷云坎陽在中內光明有似於水兌爲澤亦說卦文宋衷云陰在上令下溼故爲澤也澤聚水者周禮地官序官注澤水所鍾鍾亦聚也坎責之澤者兌爲澤虞翻曰坎水半見故爲澤兌澤既託於坎水故坎可責之澤澤償水則竭者兌上坎下其卦爲困其象曰澤無水困是償之則困矣故曰不可償

猶無相也

服曰兌爲金離爲火金火相遇而相害故無助也

本疏

案易說卦兌正秋也禮記鄉飲酒禮西方者秋白虎通五行篇金在西方是兌爲金也離爲火說卦文崔憬曰取卦陽在外象

賈服註輯述

卷六

三

火之外照也金火相遇而相害者五行篇又云五行所以相害者天地之性精勝堅故火勝金兌離相遇是火害金也故無助相訓助者詩生民有相之道傳云相助也

爲羸敗姬

服曰離爲日爲火秦嬴姓水位三至五有坎象水勝

火故爲羸敗姬

本疏

案離爲日爲火易說卦文荀爽曰陽外光也秦嬴姓水位者史

記秦本紀舜賜姓嬴氏又始皇帝本紀始皇推終始五德之傳

以爲周得火德秦代周德從所不勝方今水德之始是秦嬴爲

水姬爲火以下卦離互體坎證之火本不勝水故爲羸敗姬也

車說其輶火焚其旗不利行師敗于宗耶 服曰五至三有坎爲

水象震爲車車得水而脫其輓也震爲龍龍爲諸侯旗離之震故  
火焚其旗也震東方木兌西方金木遇金必敗韓有先君之宗廟  
故曰宗邛疏本

案歸妹上卦爲震震爲雷詩采芑云戎車嘽嘽如霆如雷故震  
亦爲車說文云輓車軸縛也易大畜輿脫輓子夏傳曰輓車下  
伏兔也按說文云輓車伏兔考工記加軫與輓焉先鄭以輓爲  
伏兔是伏兔名輓故廣雅釋器亦云輓伏兔也輓說文旣以爲  
車軸縛廣雅釋詁云輓束也大畜釋文云輓車上縛也則非伏  
兔明矣段氏曰謂以革若絲之類以固軸若然則水濡之當脫  
矣震爲龍說卦文龍爲諸侯旗者周禮司常交龍爲旂又諸侯

賈服註輯述

卷六

三

建旂後鄭注諸侯畫交龍一象其升朝一象其下復也疏云象  
升朝天子象下復還國也震爲諸侯之卦而有龍象故知爲諸  
侯旗也儀禮覲禮疏引白虎通述禮記曰天子乘龍載大旂象  
日月升龍傳曰天子升龍諸侯降龍是龍爲諸侯旗也離之震  
者爾雅釋詁云之往也卦以往而變也蓋言睽之上卦離往變  
歸妹之止卦震離爲火震爲龍旗是火焚其旗矣漢書魏相奏  
曰東方之卦不可以治西方春興兌治則飢秋興震治則華蓋  
以兌屬西方震屬東方故也白虎通五行篇云木在東方金在  
西方故曰震東方木也兌西方金也五行篇又云剛勝柔故金  
勝木是金木相遇必敗矣秦西方晉東方木不勝金故知晉敗



於秦也云韓有先君之宗廟故曰宗邛者傳曰凡邑有宗廟先君之主曰都晉語夫曲沃君之宗也注宗本宗也曲沃桓叔之封先君宗廟在焉猶西周謂之宗周也然則稱宗邛者知其以先君宗廟故也

寇張之弧

服曰坎爲寇爲弓故曰寇張之弧

疏本

案易說卦坎爲盜虞翻曰水行潛竊故爲盜也又爲弓輪虞翻曰可矯揉故爲弓輪坎爲月月在於庚爲弓繫辭云負且乘致寇至盜之招也是盜卽寇也又弦木爲弧虞翻曰坎爲弧故弧卽弓也

此一役也

服曰一役者韓戰之役

疏本

賈服註輯述

卷六

三

饋七牢焉

賈曰諸侯饗餼七牢牛一羊一豕一爲一牢也

秦本紀注

案儀禮聘禮歸雍餼注牲殺曰饗生曰餼周禮大行人言諸侯禮七牢禮記禮運云諸侯七介七牢齊語環山於有牢注牢牛羊豕也周禮宰夫以牢禮之灋注三牲牛羊豕具爲一牢大行人注三牲備爲一牢又曰太牢公羊桓八年傳注牛羊豕凡三牲曰太牢羊豕凡二牲曰少牢

箕子曰

服曰紂庶兄

疏本

案論語微子注以箕子爲紂之諸父司馬彪注莊子大宗師曰箕子名胥餘正義曰宋世家云箕子者紂親戚也止云親戚不知爲父也兄也鄭元王肅皆以爲紂之諸父服杜以爲紂之庶

凡既無正文各以其意言耳

十六年傳六鷁退飛過宋都風也賈曰風起於遠至宋都高而疾

故鷁逢風卻退

宋世家注

案抱朴子云風高者道遠爾雅釋天扶搖謂之焱注暴風從下

上名義攷云暴風相扶而動搖奔疾若走犬然即爾雅所謂颺

也莊子逍遙篇云搏扶搖而上者九萬里淮南原道訓云扶搖

抄抱羊角而上蓋風為土氣始起於遠愈高則愈疾故顏師古

漢書注云焱疾風也宋都者何休曰宋國所治也人所聚曰都

鷁蓋過此而退飛也

齊有亂君將得諸侯而不終賈曰石山岳之形宋本齊太岳之

賈服註輯述

卷六

十四

允而五石隕宋象齊桓卒而五公子作亂宋將得諸侯而治五公

子之亂鷁退不成之象後六年伯業退也鷁水鳥陽中之陰象君

臣之訟闕也

穀梁疏

案賈氏說本劉歆漢書五行志於此傳引歆說云石山物齊太

嶽後五石象齊威卒而五公子作亂庶民惟星隕於宋象宋襄

將得諸侯之眾而治五公子之亂星隕而鷁退飛故為得諸侯

而不終六鷁象侯六年伯業始退執於孟也師古曰齊姜姓也

其先為堯之四嶽四嶽分掌四方諸侯五公子謂無虧也元也

昭也潘也商人也賈以嶽為岳者說文嶽古文為岳尚書咨四

岳蓋古文也莊二十二年傳姜太嶽之後也周語言堯命禹治

水共工之從孫四岳佐之胙四岳國命爲侯伯賜姓曰姜氏曰  
有呂石爲山物故其徵在太嶽之後齊桓公卒在十七年十八  
年齊立孝公宋與四公子之徒戰于廩故曰治五公子之亂也  
鷓退不成之象者穀梁疏引鄭君云六鷓俱飛得諸侯之象也  
其退示其德行不進以致敗也由此而宋稱霸至二十二年敗  
泓而霸業退距此適六年也鷓水鳥者鷓說文作鷓釋文云水  
鳥文選上林賦浮文鷓注亦云水鳥正義引洪範五行傳曰鷓  
非者陽禽白虎通五行篇云水者盛陰者也鷓以陽禽而在水是  
陽中之陰象君臣之訟鬪也者韓康伯易繫辭注陽君道也陰  
臣道也鬪說文云从鬥兒兒善訟者也蓋謂戰泓之時大司馬  
賈服註輯述

卷六

三

固諫而不聽也

君失問是陰陽之事非吉凶所生也 服曰鷓退風咎君行所致  
非吉凶所從生襄公不問已行何失而致此變但問吉凶焉在以  
爲石隕鷓退吉凶所從而生故云君失問

本疏

案正義曰叔興若以實對當云由君愆失致有此異今乃別以  
政刑他占橫說齊亂魯喪自以對非其實恐爲有識所譏故退  
而告人以此言也

十七

傳故名男曰圉女曰妾 服曰圉人掌養馬臣之賤者不聘

曰妾

晉世家注

案周禮校人乘馬一師四圉先鄭注養馬爲圉又圉師云掌教

園人養馬春除蓐覺殿始牧夏序馬冬獻馬皆養馬之事昭七年傳馬有園是也廣雅釋詁云園臣也大司馬序官僅云園師乘一人徒二人而不以士稱是臣之賤者矣禮記內則聘則爲妻奔則爲妾既曰聘爲妻則不聘者自爲妾矣齊世家注齊侯好內服曰內婦官也

案莊子逍遙遊釋文內者對外立名婦人居閨門之內故卿之妃曰內子婦官者周官內宰凡喪事佐后使治外內命婦注內命婦謂九嬪世婦女御其職列於天官是婦官也諸侯制雖稍殺亦當有之服言此者諸侯夫人有定制而傳言齊侯多內寵宋內嬖如夫人者六人明此六人指嬪御而言故曰內婦官也

賈服註輯述 卷六

三

宋華子賈曰宋華氏之女子姓同上賈曰宋華氏之女子姓

案成十五年傳二華戴族也是華爲戴公之後史記殷本紀云

契賜姓子氏又云契爲子姓其後分封有宋氏是宋爲子姓而

華出戴後故曰華氏之女子姓也

雍巫賈曰雍人名巫易牙字同上索隱曰賈逵以雍巫爲易牙字未知何據按管子有棠巫恐

與雍巫是一人也

案周禮有內饗外饗儀禮少牢饋食禮作雍人正義曰此人爲

雍官名巫而字易牙也

因內寵以殺羣吏服曰內寵如夫人者六人羣吏諸大夫也同上

案如夫人者六人卽上文長衛姬輩六人也羣吏諸大夫者說

文云吏治人者也是在位者皆得稱吏周禮宮伯掌王宮之士庶子凡在版者注王宮之士謂王宮中諸吏之適子也疏云吏謂卿大夫士之總號羣吏卽諸吏而此云諸大夫者所以概卿也晏子曰惟卿爲大夫杜云內寵內官之有權寵者與傳文相違賈義爲長也

年九傳乃溝公宮

賈曰溝塹也

晉世家注

案塹說文云阮也莊子外物篇釋文云塹掘也

年二十傳凡啟塞從時服曰闔扇所以開鍵閉所以塞月令仲春

修闔扇孟冬修鍵閉從時從此時也

本疏

案禮記月令仲春修闔扇注用木曰闔用竹葦曰扇孟冬修鍵

賈服註輯述

卷六

七

閉注鍵牡閉牝也疏曰凡鎖器入者謂之牡受者謂之牝若禽獸牝牡然易繫辭曰闔戶謂之坤淮南墜形訓西極之山曰閭闔之門注闔閉也是闔爲閉而此云開者蓋月令之闔爲門扇管子八觀所云閭閉不可以毋闔襄十八年傳所云以枚數闔荀子儒效所云外闔不閉是也月令仲春陽氣畢達修闔扇義主乎開故曰闔扇所以開也何允曰鍵是門扇之後樹兩木穿上端爲孔閉者謂將扃關門以內孔中疏曰案漢書五行志牝飛及牡亡謂失其鑰次鑰次則牡也案何說固未盡鍵制孔氏以爲鑰次尤非說文云鍵鉉也鉉所以舉鼎也易謂之鉉禮謂之鬮鼎部云鬮以木橫貫鼎耳舉之蓋鬮卽扃儀禮注所謂古

文扇爲鉉也是鼎耳之鍵以木而字从金者繫於鼎言之也然則以木貫鼎耳爲鍵引伸之爲門鍵當亦以木貫門扇矣顏氏家訓引蔡邕月令章句曰鍵關牡也所以止扇說文云關以木橫持門戶也若然則鄭云鍵牡閉牡者鍵爲關牡閉爲關牡矣凡物之相施受者皆可爲牝牡故考工記車人稱車箱曰牝服疏曰謂車較卽今人謂之平鬲皆有孔內軫子於其中而又向下服故謂之牝服也喪大記君蓋用漆注曰用漆者塗合牝牡之中也是棺蓋亦可稱牝牡也鍵自以木爲之故呂覽孟冬紀淮南時則訓作榷至五行志所云牝牡自指管鑰言之月令修鍵閉下繼之曰慎管鑰鍵與管明是二物鄭注云管鑰搏鍵器

賈服註輯述 卷六

天

也明管鑰所以搏鍵非管鑰是一物至檀弓注云管鑰也者特互文耳則孔氏指爲鎖次者誤矣鍵閉所以塞者荀子王霸篇注塞謂行不通也從此時謂從此月令仲春孟冬之時也

滑人叛鄭

周本紀注

賈曰滑姬姓之國

案成十三年傳晉呂相曰殄滅我費滑散離我兄弟晉以費滑爲兄弟是滑爲姬姓矣

淋洗門戶也

寒階門蔡邕曰合章句曰

陳以木貫鼎耳爲鍵

文高爲鉉也

春秋左氏傳賈服註輯述卷七

嘉興李貽德學

僖公

二十傳修城郭

服曰國家凶荒則無道之國乘而加兵故修城

郭為守備也

本疏

案周禮大司徒以荒政十有二聚萬民注荒凶年也疏曰司農凶荒別文者以凶為凶年荒為荒亂城者說文云以盛民也管子度地云城外為之郭乘者文選演連珠注猶因也城郭為守備者禮記禮運云城郭溝池以為固是也襄二十四年穀梁傳曰五穀不升謂之大侵大侵之禮君食不兼味臺榭不塗弛侯

賈服註輯述卷七

一

廷道不除禮記玉藻曰年不順成土功不興而此云修城郭者蓋有道之國則知以荒禮哀凶札所謂救災恤鄰道也反是則狡焉思啟因其饑饉加以師旅使不設險以守其國則國危矣必修其城郭所以為守備計者至矣

二十傳寡君之使婢子

晉世家注

服曰曲禮曰世婦以不自稱婢子婢子

婦人之卑稱也

案曲禮是小戴禮篇名鄭彼注云婢之言卑也於其君稱此以接見體敵嫌其當說文云婢女之卑者也曲禮疏曰降於夫人故並自稱婢子賤故也

富辰言於王曰服曰周大夫

周本紀注

二十傳以討其不與盟于齊也服曰魯僖公十九年諸侯盟于

齊以無忘桓公之德宋襄公欲行霸道不與盟故伐之

齊世家注

案十九年冬盟于齊傳曰陳穆公請修好於諸侯以無忘齊桓

之德時宋襄欲繼桓而霸不與此盟而爲鹿上之盟故今討之

策名委質服曰古者始仕必先書其名於策委死之質於君然

後爲臣示必死節於其君也

史記索隱十八

案詩四月箋云仕事也始仕謂始有事於朝也必先書名於策

者策本作冊定四年傳備物典策釋文云策本又作冊是冊正

字策假借字說文解冊字云象其札一長一短中有二編之形

獨斷云策簡也其制長者二尺短者半之儀禮聘禮云百名以

賈服註輯述

卷七

二

上書於策臣將仕必先書其名於上周禮鄉大夫云獻賢能之

書於王當亦書賢能二名於版卽策名例也委死之質於君者

白虎通瑞贄篇臣見君有贄何贄者質也質已之誠致已之懼

幅也始仕當爲士周禮典瑞言諸臣之贄士執雉瑞贄篇又曰

士以雉爲贄者取其不可誘之以食懼之以威必死不可生畜

士行威介守節死義不當移轉也瑞贄篇所說卽服氏爲臣必

死節於君之義晉語處沙釐曰臣委質於翟之鼓未委質於晉

之鼓也臣聞之委質爲臣無有二心委質而策死古之法也注

云質贄也言委質於君書名於策示必死也服義本此若然則

質之言贄也正義以形體解之非矣



司空季子 服曰胥臣曰季也

晉世家注

案正義曰胥氏也臣名也晉有白邑蓋食采於白邑字季子而為司空之官故名氏互見也按二十四年傳曰衰杜云解縣東南有白城蓋即白邑也三十三年傳曰季使過冀是胥臣食采於白而字季也故此稱季子晉之司空自士蔿始見於傳其後文二年及晉司空士穀盟于垂隴成十八年右行辛為司空使修士蔿之法與季子之為司空當同在卿列也他如成二年賜司空一命之服襄十九年賜司空一命之服顧氏棟高曰蓋晉自司徒既廢僅大司空一見於傳文公以後世主夏盟諸卿皆以將軍為號而司馬司空僅列軍尉輿師之間亦世變之亟也

賈服註輯述 卷七

三

出于五鹿

賈曰衛地

晉世家注

案顧氏棟高曰杜注衛縣西北有地名五鹿陽平元城縣東亦有五鹿蓋兩注以存疑晉之衛縣今為山東東昌府觀城縣元城縣即今大名府治也案五鹿為衛邑晉文取之而仍屬衛襄二十五年衛獻公自齊還國恭冕謹案傳文晉自齊逆衛侯崔子因止其帑以求五鹿此時蓋屬衛哀十四年齊未歸國顧說似未晰齊崔杼止其帑以求五鹿此年至哀十年衛救范氏恭冕謹案齊衛圍五鹿在哀元年至哀十四年絕無齊衛救范氏之事顧氏說亦誤圍五鹿杜注晉邑則又屬晉其迭屬晉衛且地近邯鄲中牟鄴城則元城之說為長今大名府有五鹿城二屬元城縣者即沙鹿城屬開州者衛地五鹿是也開州東與東昌觀城縣接界

有馬二十乘

賈曰八十四

宋世家注

案公羊僖三十三年傳匹馬隻輪無反者注匹馬一馬也禮記

檀弓攝束帛乘馬而將之釋文四馬曰乘儀禮聘禮設馬乘注

乘四馬也若然則二十乘為馬八十四矣三舍是也

姜氏殺之服曰懼孝公怒故殺之以滅口也

晉世家注

案杜云恐孝公怒其去韋昭晉語注畧同爾雅釋詁云滅絕也

此常訓

其避君三舍賈曰司馬法從遯不過三舍三舍九十里也同上

案史記穰苴傳云齊威王使大夫追論古者司馬兵法而附穰

苴於其中因號曰司馬穰苴兵法即所謂司馬法也從猶韓厥

賈服註輯述卷七

四

從鄭伯之從遯說文云逃也亦作遁廣雅釋詁遁避也史記外

戚世家皆過栗姬索隱曰過謂踰之不過三舍者言師之進退

不得踰三舍也呂覽不廣篇注軍行三十里為一舍詩六月于

三十里傳師行三十里箋云日行三十里可以舍息故莊三年

傳曰凡師一宿為舍然則古軍法師進退日行三十里即舍此

三舍蓋三日而九十里也退避里數至三舍而極故下云若不

獲命則與周旋矣司馬法所云從遯不過三舍是也

降服而囚服曰申意於楚子伸於知已降服於懷嬴屈於不知

已本疏

案杜云去上服自拘囚以謝之史記管晏列傳越石父曰吾聞

君子詘於不知已而信於知已者索隱曰信讀曰申云吾聞則二語爲古語矣申意於楚子謂對楚君之語以楚子饗而禮之是知已也故得發舒其志氣懷嬴女子且以重耳爲卑已是不知已也故降服而囚以自貶也

二十四年

臣負羈縲

服曰一曰犬縲曰縲古者行則有犬

本疏

案段氏說文注曰凡義有兩岐者出一曰之例然則服氏出一曰上當有本義今不存矣禮記少儀犬則執纆纆卽縲亦作縲注云所以繫制之者或說本少儀釋縲以別於羈也晉語從者爲羈縲之僕注亦云犬曰縲韋注大抵本賈侍中而與此同則服或引賈說也云古者行則有犬者少儀守犬田犬疏曰犬有賈服註輯述

卷七

五

三種一曰守犬守禦宅舍者也二曰田犬田獵所用也三曰食犬充君子庖厨庶羞用也田犬卽駟騶詩所謂載獫狁騎者也行之有犬當是守犬蓋居則守禦宅舍行則守禦車徒義或然也各本說文並云縲系也段氏以縲次牛系牛繼之下據少儀補之曰縲犬系也釋之曰縲本犬系引伸之馬亦曰縲故上文縲下曰馬縲也如服說是縲之本義如杜說縲馬縲則縲引伸之義也服云犬縲許云馬縲文意正同愚謂杜所用者當爲服之本義正義所引者爲服之或說耳正義引說文云縲係也縲是係之別名係馬係狗皆得稱縲是唐時說文亦無犬字段氏蓋以意增之耳

軍於郇 服曰郇國在解縣東郇瑕氏之墟也

水經凍水注

案解二漢志並屬河東郡劉昭注云左傳曰咎犯與秦晉大夫盟於郇杜預曰縣西北有郇城此云解縣東者蓋漢晉縣治容稍移易服杜各據當時地界言之也云郇瑕氏之墟者成六年必居郇瑕氏之地杜云古國名顧氏棟高曰案郇國名詩所謂郇伯勞之者今在蒲州府臨晉縣東北十五里

朝于武宮 賈曰文公之祖武公廟也

晉世家注

案晉世家言武公立三十九年而卒子獻公詭諸立文公為獻公子於武公則稱祖矣

晉侯逆夫人嬴氏以歸 服曰繆公女

同上

賈服註輯述 卷七

六

案秦伯春秋傳作穆史記作繆禮記大傳昭穆亦作昭繆二字古通嬴氏文嬴也

上下相蒙 服曰蒙欺也

同上

案昭元年又使圍蒙其先君八年甚哉其相蒙也廿七年蒙王與令尹傳意皆以欺為蒙故服云蒙欺也

以縣上為之田 賈曰縣上晉地

同上

案顧氏炎武曰以縣上為之田杜氏曰西河界休縣南有地名縣上水經注石桐水即縣水出介休縣之縣山北流逕石桐寺

西即介子推之祠也袁崧郡國志曰界休有介山縣上聚子推廟今其山南跨靈石東跨沁原世以為之推所隱而漢魏以來

傳有焚山之事前史載之無異辭也然攷之於傳襄公十三年  
晉悼公蒐于縣上以治兵此必在近國都之地又定公六年趙  
簡子逆未樂祁飲之酒于縣上自宋如晉其路豈出於界休乎  
況文公之時霍山以北大抵皆狄地與晉都遠不相及今翼城  
縣西亦有縣山俗謂之小縣山近曲沃當必是簡子逆樂祁之  
地今萬泉縣南二里有介山漢書武帝紀詔曰朕用事介山祭  
后土皆有光應地理志汾陰介山在南揚雄傳其三月將祭后  
土上迺帥羣臣橫大河湊汾陰既祭行游介山回安邑顧龍門  
覽鹽池登歷觀陟西岳以望八荒雄作河東賦曰靈輿安步周  
流容與以覽於介山嗟文公而愍推兮勤大禹於龍門水經注  
亦引此謂晉太康記及地道記與永初記並言子推隱於是山  
而辨之以爲非然可見漢時已有二說矣

且旌善人

賈曰旌表也

同上

案說文旌游車載旌析羽注旌首也所以精進士卒也周語故  
爲車服旗章以旌之是旌以精進士卒引伸爲表識之義

王使伯服游孫伯

賈曰二子周大夫

周本紀注

而不與厲公爵也

服曰惠王以后之擊鑑與厲公而獨與虢公

玉爵

同上

案事在莊二十一年

又怨襄王之與衛滑也

服曰滑小國近鄭世世服從而更違叛

賈服註輯述

卷七

七

鄭師伐之聽命後自愬於王王以與衛同

案成十七年鄭子駟侵晉虛滑杜云滑故滑國為秦所滅時屬晉又十三年殄滅我費滑杜曰滑國都於費疏謂國邑並舉是滑為小國也顧氏棟高曰其地近鄭在所必爭二十年滑人叛鄭而服於衛鄭公子士洩堵寇帥師入滑稱叛則舊為服從可知鄭師伐之即此年事也知自愬於王以王為請知之呂覽必已篇此必愬我於萬乘之主注愬告也

弔二叔之不咸賈曰二叔管叔蔡叔本疏○詩常棣疏引二叔謂管蔡

案史記管蔡世家文王子管叔鮮蔡叔度故二叔為管蔡也杜云弔傷也咸同也周公傷夏殷之叔世疏其親戚以至滅亡故

賈服註輯述 卷七

八

廣封其兄弟正義曰鄭眾賈逵皆以二叔為管蔡傷其不和睦而流言作亂故封建親戚鄭元詩箋亦然案其封建之中方有管蔡豈傷其作亂始封建之馬融以為夏殷叔世故杜同之詩常棣序疏云此序言閔管蔡之失道左傳言弔二叔之不咸言雖異其意同弔傷也二叔即管蔡也不咸即失道也實是一事故鄭引之先儒說左傳者鄭眾賈逵以二叔為管蔡馬融以為夏殷之叔世故鄭志張逸問此箋云周仲文以左氏論之三辟之興皆在叔世謂三代之末即二叔宜為夏殷末也答云此注左氏者亦云管蔡耳又此序子夏所為親受聖人足自明矣問者以昭六年左傳曰三辟之興皆叔世也彼叔世者謂三代之

末世也則言二叔者亦宜爲夏殷之末世不得爲管蔡故問之鄭答注左氏者謂鄭賈之說也又左傳論周公弔二叔之不咸而作常棣此序言閔管蔡之失道故作常棣則此云管蔡卽傳言云二叔可知按孔氏春秋疏與詩疏異義蓋各證各注例如此也其實二叔當以主管蔡者爲是指夏殷爲二叔雖有三辟皆叔世之文爲據然叔世必連文去世字則不辭矣特是孔氏謂封建之中方有管蔡豈傷其作亂始封建之其斥賈說亦爲有理不知封建實在羣叔流言之後反東攝政之初也禮記文王世子疏云案鄭註金縢云文王崩後明年生成王則武王崩時成王年十歲服喪三年畢成王年十二明年將踐阼周公欲代之攝政羣叔流言周公辟之居東都時成王年十三也居東二年成王收捕周公之屬黨時成王年十四也明年秋大熟遭雷風之變時周公居東三年成王年十五迎周公反而居攝之元年也愚謂旣攝政之後公傷同氣不諒其志於是首行封建親戚明其無私欲以啟牖二叔之衷弭人倫之變故傳言弔二叔之不咸管蔡得列國焉東山序箋云周公歸攝政三監及淮夷叛周公乃東伐之是管蔡雖得建國怙終不悛反懼而致叛周公乃不得已征之鄭氏詩書二注參之此傳以二叔爲管蔡足以徵周公之心矣

召穆公 服曰召穆公王卿士

詩黍苗疏

召康公十六世孫

詩民勞疏

案詩黍苗序卿士不能行召伯之職焉疏曰言卿士不能行則  
召伯時爲卿士矣故周語韋昭注召公召康公之後爲王卿士  
也江漢疏引世本穆公是康公之十六世孫是服義本世本也  
按陸德明曰康公長子繼燕支子繼召史記燕世家載召公下  
九世至惠侯當周厲王奔彘其和之時是繼燕之惠侯當厲王  
時上距召公止九世而穆公爲繼召之後乃當厲宣時上距召  
公至十六世者民勞疏云生子有早晚壽命有長短故也

王遂出及坎飲

服曰鞏東邑名也

水經洛水注

案續漢郡國志河南尹鞏有坎飲聚酈道元曰洛水又東北泐  
水發南谿石泉世亦名之爲石泉水也京相璠曰鞏東地名坎

賈服註輯述

卷七

十一

飲在泐水東疑卽此水也晉太康地記晉書地道記並言在鞏  
西非也

二十一年經公會衛子

服曰明不失子道

禮記曲禮疏

案禮記曲禮天子未除喪曰予小子注謙未敢稱一人春秋傳  
曰以諸侯之踰年卽位亦知天子之踰年卽位以天子三年然  
後稱王亦知諸侯於其封內三年稱子白虎通爵篇旣葬稱子  
者卽尊之漸也三年然後受爵者緣孝子之心未忍安吉也今  
衛文公旣葬而稱衛子見其以子道自居不敢遽以爵稱能不

失禮

傳遇黃帝戰于阪泉之兆

服曰阪泉地名

五帝本紀注



案大戴記五帝德云黃帝與赤帝戰於阪泉之野史記五帝紀稱黃帝與炎帝戰於阪泉之野集解引皇甫謐曰在上谷

次于陽樊服曰陽樊周地陽邑名也樊仲山之所居故曰陽樊

也晉世家注。續漢郡國志注引下二句畧同。

案周地者周圻內之地陽邑名者賜晉後專名陽陽處父食邑卽此詩烝民生仲山甫傳仲山甫樊侯也疏周語稱樊仲山甫諫宣王是山甫爲樊國之君也韋昭曰食采於樊若然是樊爲圻內國名而陽則其食邑猶何人斯傳以蘇爲國名而其食邑則爲溫也此陽樊之義也

二十六年傳公使展喜犒師 服曰以師枯槁故饋之飲食

本疏

賈服註輯述

卷七

土

案說文無犒字周禮小行人若國師役則令犒禴之注故書犒爲稟鄭司農云稟當爲犒謂犒師也地官序官稟人注稟讀爲犒師之犒主冗食者故謂之犒案此是犒古作槁說文槁木枯也故枯槁連文潤其槁而名之曰槁猶憫其勞而名之曰勞也饋之飲食者公羊莊四年注牛酒曰犒飲食不外牛酒後人測義製字或从牛者今經傳中犒師之犒是也或从酉者斥彭長田君碑史見勞醕之醕是也魯語云展禽使乙喜以膏沐犒師淮南汜論注牛羊曰犒其其枯槁也卽服義也

室如縣罄 服曰言室屋皆發撤榱椽在如縣罄

本疏

案室屋異名同實故服連言之釋名釋宮室云屋亦奧也其中

溫輿也素問四氣調神大論注發謂散發也華嚴經音義引字  
書撤除也去也言室中所藏皆散去矣說文椳椳也秦名屋椳  
也周謂之椳齊魯謂之椳是椳卽椳言室所存者惟此釋文磬  
亦作磬說文磬石樂也从石壘象縣虞之形段氏曰或曰卽象  
磬之股一象磬之鼓磬之縣股橫出而鼓直若然則室之空其  
中而僅存椳椳者象之矣程氏瑤田曰左傳室如縣磬字从缶  
从缶與从石同意磬有房室中空之象室無資糧故曰如縣磬  
也國語作縣磬韋昭注言魯府藏空虛但有椳梁如懸磬也假  
借之凡器中空皆謂之磬詩云瓶之罄矣是也空則有盡義故  
又謂磬爲盡詩云罄無不宜是也按說文云磬器中空也从缶  
賈服註輯述

卷七

十一

設聲設古文磬字磬磬本同程氏以縣磬證空以空證盡可以  
推見古義矣

夔子不祀祝融與鬻熊

服曰夔楚熊渠之孫熊摯之後夔在巫

山之陽秭歸鄉

楚世家注

案鄭語夔越不足命也韋昭注楚熊繹六世孫曰熊摯有惡疾  
楚人廢之立其弟熊延摯自棄於夔其子孫有功王命爲夔子  
是夔爲熊摯後也史記楚世家熊繹封楚歷五世爲熊渠渠卒  
子熊摯紅立摯紅當卽摯是服云熊渠之孫孫當作子字之誤  
也楚世家又云摯紅卒其弟弒而代之曰熊延然傳言熊摯有  
疾自竄于夔則史言延弒誤也漢書地理志南郡巫慮劭曰巫

大山在西南穀梁傳山南爲陽又南郡秭歸自注歸鄉故歸國洪

氏亮吉曰歸州漢秭歸夔子城在州東案讀今

二十年傳讓於欒枝先軫 賈曰欒枝欒賓之孫也晉世家注

案欒賓見桓二年傳其子爲欒共子成見晉語並韋注枝成子

也

二十年戰于城濮 賈曰衛地也同上

案莊二十七年公會齊侯于城濮杜解亦曰衛地顧氏棟高曰

今曹州府濮州南七十里有臨濮城

楚殺其大夫得臣 賈曰不書族陋也釋例氏族例

案賈子道術篇云辭令就得謂之雅反雅爲陋楚自武王始居

賈服註輯述 卷七 七

江漢之間經書荆敗宋師荆人來聘楚人使宜申來獻捷從其

陋俗故稱人僖二十一年楚之君爵始列於會而其臣名氏猶

多差錯得臣書殺而不舉族仍其陋也至成二年楚公子嬰齊

始得具列後殺子反亦書公子側矣賈服曰

盟于踐土 賈曰踐土鄭地名在河內周本紀注

案括地志滎澤縣西北十五里有王宮城城內東北隅有踐土

臺去衡雍三十餘里史記魏世家無忌謂魏王曰有鄭地得垣

雍續漢郡國志河南尹有垣離城或曰古衡雍是衡雍爲鄭地

踐土近垣雍亦爲鄭地矣顧氏棟高曰滎澤今屬開封府

天王狩于河陽 賈服曰河陽温也水經河水注五。周本紀注引賈曰河陽晉之温也

案穀梁傳温河陽也故賈云然漢書地理志河內郡温自注故國蘇忿生所封也時已賜晉

傳自南河濟

服曰南河濟南之東南流河也

衛世家注

案曹在衛東傳云自南河濟實從汲郡南渡出衛南而東故云濟南之東南流河也

衛侯出居於襄牛

服曰襄牛衛地也

晉世家注

案顧氏棟高曰秦置襄邑縣明初省縣併入睢州今屬河南歸德府案顧說本漢書應劭地理志陳留郡襄邑應劭曰春秋傳曰師于襄牛是也師古曰圈稱云襄邑宋地本承匡襄陵鄉也宋襄公所葬故曰襄陵秦始皇以承匡卑溼故徙縣於襄陵

賈服註輯述

卷七

古

謂之襄邑縣西三十里有承匡城然則應說以爲襄牛誤也案此則顧氏說不足據當闕之而已

非敢必有功也願以閒執讒慝之口 服曰子玉非敢求有大功

但爲執薦賈讒慝之口謂子玉過三百乘不能入也

同上

案詩執競釋文引韓詩云執服也釋名釋姿容執攝也使畏攝已也薦賈言見前年傳

子玉使宛春告于晉師 賈曰宛春楚之大夫也

同上

楚子伏已而監其腦 服曰如俗語相罵云噓汝腦矣

本疏

案詩終風疏云稱俗人云者以俗之所傳有驗於事可以取之左傳每引諺曰詩稱人亦有言是古有用俗之驗服所言俗語

亦其例也一切經音義六引倉頡篇罵詈也釋名釋言語云  
迫也以惡言被迫人也一切經音義八引字書噉喋也書亦作  
敵所洽反謂以口微吸之也引漢時語以證鹽之狀也

作王宮于踐土 服曰既敗楚師襄王自往臨踐土賜命晉侯晉

侯聞而爲之作宮 晉世家注

案周禮鬯人注以尊適卑曰臨掌舍爲壇壝宮棘門注謂王行

止宿平地築壇又委壝土起堦埒以爲宮括地志滎澤縣西北

有王宮城卽此

駟介百乘徒兵千 服曰駟介駟馬被甲也徒兵步卒也 同上

案詩清人駟介旁傳介甲也箋云駟四馬也疏曰介是甲之

賈服註輯述 卷七

五

別名成二年傳不介馬而馳之以不介馬爲異則戰馬皆被甲

矣干旄疏引王肅說夏后氏駕兩謂之麗殷益以一駢謂之駢

周人又益一駢謂之駟說文徒作赴云步行也禮記祭義五十

不爲甸徒疏曰徒謂步卒說文兵械也顧氏炎武曰古之言兵

非今日之兵謂五兵也故曰天生五材誰能去兵世本蚩尤以

金作兵一弓二矢三矛四戈五戟周禮司右五兵注引司馬法

曰弓矢圍爰矛守戈戟助是也秦漢以下始謂執兵之人爲兵

如信陵君得選兵八萬人項羽將諸侯兵三十餘萬見於太史

公之書而五經無此語也由顧氏之說而推之易說卦離爲戈

兵越語兵者凶器也呂覽論威云凡兵天下之凶器也老子兵

者不祥之器傳令尹好甲兵文選吳都賦長殺短兵皆以兵爲器未嘗以卒爲兵也然隱四年敗鄭徒兵襄元年敗鄭徒兵于洧上所云徒兵斷指步卒若以兵爲器械則不辭矣擊鼓序疏云古者謂戰器爲兵兵者人所執因號人亦曰兵斯爲通論矣襄元年疏云步行謂之徒行故步兵謂之徒兵服云步卒即步兵也

王命尹氏及王子虎

賈曰王子虎周大夫也

晉世家注

賜之大輅之服 賈曰大輅金輅

同上

案樂記大路者天子之車也而天子所賜車亦得名大路襄十九年王追賜之大路廿四年賜之大路杜氏並云天子所賜車

賈服註輯述

卷七

六

之總名然名雖統稱大路而制仍以巾車所差爲等顧命言大路典路疏引鄭注大路玉路者以大戴記朝事篇云乘大路建大常十有二旒樊纓十有再就周禮巾車云一曰玉路錫樊纓十有再就建太常十有二旒合證二文知大路爲玉路也此以大輅爲金路者以巾車金路以封同姓封同姓旣以金路則賜同姓亦當以金路矣

彤弓一彤矢百茲弓矢千

賈曰彤弓赤茲弓黑也諸侯賜弓矢

然後征伐

晉世家注

服曰矢千則弓十

詩彤弓疏

案說文彤丹飾也詩彤弓傳彤弓朱弓也廣雅釋器丹朱並云赤也茲說文新附有之正字當作驢說文驢齊謂黑爲驢是也

省字當作盧書文侯之命盧弓一盧矢百是也假字當作旅儀  
禮士冠禮注古文旅作臚故聲與盧得通釋文云旅本或作旅  
非也者陸氏誤也公羊定四年傳注禮天子雕弓諸侯彤弓大  
夫嬰弓士盧弓荀子大略篇云天子雕弓諸侯彤弓大夫黑弓  
則賜用彤弓諸侯之制兼以大夫士盧弓以備用也諸侯賜弓  
矢然後征伐畧本禮記王制彼注云得其器乃敢爲其事服云  
矢干則弓十者旅弓無數以上彤弓矢之數測之故杜亦云弓  
一矢百則矢干弓十矣文侯之命所謂盧弓一則賜盧矢亦可  
準矣觀注文如此則釋文云本或作旅弓十旅矢千後人專輒  
加也信然周禮大司寇入束矢注古者一弓百矢束矢其百个

賈服註輯述

卷七

七

歟疏卽據尙書與此傳文而荀子論兵篇魏氏武卒衣三屬之  
甲操十二石之弩負矢五十箇則矢五十矣詩泮水角弓其觶  
束矢其搜傳五十矢爲束一弓亦矢五十矣彼疏謂在軍之制  
重弓以備折壞或亦分百矢以爲兩束其說良然

柶鬯一卣 賈曰柶黑黍鬯香酒也所以降神卣器名諸侯賜主

瓚然後爲鬯

晉世  
家注

案柶黑黍爾雅釋草文說文作鬻云黑黍也一稔二米以釀爾  
雅云杯一稔二米說文禾部有秬亦同爾雅文則此鬻下云一  
稔二米以釀兼秬言之非專指鬻也郭璞注秬云此亦黑黍則  
亦柶類說文柶鬻或从禾鬯香酒者鬯之說有二王度記云天

予以鬯詩江漢傳鬯香草也築煮合而鬱之曰鬯白虎通攷黜  
云鬯者以百草之香鬱金合而釀之成爲鬯周禮鬯人共介鬯  
先鄭云鬯香草說苑修文云鬯者百草之本是專以鬯爲香草  
也鄭氏於春官序官注則云鬯釀秬爲酒芬香條暢於上下也  
於江漢箋云秬鬯黑黍酒也謂之鬯者芬香條鬯也於易不喪  
匕鬯注及禮記王制注並云鬯秬酒也是專以秬黍爲鬯鄭君  
與諸說異者春官以鬱鬯屬鬱人以秬鬯屬鬯人則單舉之爲  
鬯連舉之爲秬鬯較然矣郊特牲云鬱合鬯則鬱與鬯分又較  
然矣鄭君析名物辨同異故必以秬黍爲鬯也其實專以香草  
不能以釀酒專以秬黍不足以達芬故鄭於春官序官注鬱鬱

賈服註輯述

卷七

六

金香草宜以和酒明堂位注鬱鬯之器也明鬯可統鬱也然則  
禮緯中候所云鬯草者明草以和鬯故得名鬯草猶菁茅之得  
稱包茅而不得謂香草卽鬯孔氏曰古今書傳香草無名鬯者  
是也說文鬯以鬻釀鬱草芬芳攸服以降神也从山山器也中  
象米云中象米見鬯之得名以鬻也云以秬釀鬱草見秬必備  
以鬱也若然秬黍爲鬯本名香草亦得爲鬯明兼名也雜記暢  
白以栲栳以梧注所以搗鬱也周禮肆師大泚以鬯則築鬯注  
築香草煮以爲鬯以浴尸香草鬱也足證鬱草亦得單名鬯周  
語鬱人共鬯則鬯亦可共自鬱人矣王制疏云釀秬黍爲酒和  
以鬱金之草謂之鬱鬯不以鬱和直謂之鬯斯不然矣所以降



神者郊特性既灌然後迎牲疏云先求神後迎牲也是灌以求神卽降神也卣器也爾雅釋器文傳疏引孫炎云罇彝爲上罍卣爲下卣居中卣人注卣中尊謂獻象之屬尊者彝爲上罍爲下是犧尊象尊皆爲卣也江漢疏云鬱人掌和鬱鬯以實彝而鬯之則鬯當在彝而詩及尙書左傳皆云秬鬯之卣者當祭之時乃在彝未祭則在卣賜時未祭故卣盛之賜圭瓚然後爲卣王制文

虎賁三百人

賈曰天子卒曰虎賁

同

案正義引國語云天子有虎賁諸侯有旅賁是惟天子之士得

稱虎賁周禮虎賁氏掌先後王而趨以卒伍是虎賁之屬有卒

賈服註輯述

卷七

一九

也故曰天子之卒曰虎賁

稽首玉賈曰稽首首至地

同上

案周禮大祝辨九擻一曰誥首注拜頭至地也疏一曰稽首其

稽稽留之字頭至地多時則爲稽首也稽首拜中最重臣拜君

之拜

盟諸侯于王庭服曰王庭踐土也

同上

案云是踐土者以經文盟于踐土故斥言其地以別京師

自爲瓊弁玉纓

服曰謂馬飾

禮記王制疏

案文選西京賦天子乃駕彫軫三駿駮戴翠帽倚金較璿弁玉

纓遺光儼爚張衡所用卽本傳文說文引傳亦作璿弁玉纓屬

於六駿駁之後是漢世解此文皆爲馬飾矣薛綜注弁馬冠也  
又髦以璿玉作之纓馬鞭也段注說文引鞭作鞅以玉飾之杜云弁以鹿

子皮爲之瓊玉之別名次之以飾弁及纓疏云其纓之飾則無  
以言之蓋以玉飾纓之末耳是孔於杜玉纓之訓他無佐證亦

稱蓋以疑之矣

作三行服曰辟天子六軍故謂之三行也晉世家注

案周禮大司馬序官王六軍大國三軍時晉已置上中下三軍

今若仍軍名是六軍矣故稱行以避六軍之名八小國

二十九年傳其音云問之而信賈服曰言八律之音聽禽獸之鳴則

知其嗜慾死死上疑有生字各本周禮注疏皆無之阮氏校勘記亦未言及可知伯益明是術故

賈服註輯述卷七

堯舜使掌朕虞至周失其道官又在四夷周官夷隸疏

案大戴記易本命律主禽鹿禮記樂記八風從律而不姦故曰

八律之音王制嗜欲不同疏云好惡殊別故嗜欲不同是嗜慾

爲好惡矣生卽犧生死卽用犧言聽其鳴而得其情也伯益明

是術者伯益是舜臣言亦能聽鳥獸之言皇侃論語疏云伯益

能聽鳥語是也相傳如是當有所本史記秦本紀僅曰調馴鳥

獸揚雄羽獵賦云昔者禹任益虞而上下和草木茂而已漢書

百官表恭作朕虞應劭曰恭伯益也虞掌山澤禽獸官名也師

古曰恭古益字周失其道者謂東遷以後若其盛時則制夷隸

貉隸之言掌與鳥獸言其後官既不設無能通禽獸之言介葛

盧爲東夷反能審音故云官又在四夷也昭十七年天子失官  
學在四夷賈服引以證此

三十傳鄭公子蘭出奔晉 服曰鄭逐羣公子故奔晉 御覽一百四十六

案宣三年傳言文公逐羣公子公子蘭奔晉 上同  
請無與圍鄭許之 服曰晉善蘭不忘本國故也 上同

案顧氏炎武曰古人謂所事之國爲本朝此云本國亦其義也  
使待命于東 服曰待命於鄭東也 上同

案說文待埃也

饗有昌歠 服曰昌歠昌本之菹 周禮籩人疏

案昌歠昌本一物二名本卽根也周官醢人朝事之豆其實昌

賈服註輯述 卷七

三

本鄭注云昌蒲根也公食大夫禮醢醢昌本注昌本昌蒲本菹  
也韓非子難篇文王嗜菖蒲菹菹與菹同說文菹酢菜也又菹  
醢也酢菜今俗云醢菜是卽醢亦卽菹也

鹽虎形 服曰剋形 上同

案剋與刻通魯顏刻莊子秋水篇釋文刻作剋說文刻鏤也周  
禮籩人形鹽先鄭云築鹽以爲虎形謂之形鹽荀子富國云故  
爲雕琢刻鏤琢卽築刻卽剋是先鄭與服同也後鄭云形鹽鹽  
之似虎者賈疏以爲自然似虎形與服說異也

三十經猶三望 賈服曰三望分野之星國之山川 本疏○穀梁疏九引賈說

周禮小行人疏引服說並  
曰三望分野星國中山川

案正義曰公羊傳曰三望者何望祭也然則曷祭祭泰山河海鄭元以爲望者祭山川之名諸侯之祭山川在其地則祭之非其地則不祭且魯竟不及於河禹貢海岱及淮惟徐州徐卽魯地三望謂淮海岱也賈服以爲三望分野之星國之山川今杜亦從之以襄九年傳云陶唐氏之火正闕伯居商邱祀大火相主因之故商主大火昭元年傳云辰爲商星參爲晉星楚語云天子徧祀羣神品物諸侯二王後祀天地三辰及其土地之山川注國語者皆云諸侯二王後祀天地三辰日月星也非二王後祀分野星辰山川也以此知三望分野之星國內山川其義是也昭七年夏四月甲辰朔日有食之於時夏之二月日在降

賈服註輯述

卷七

三

婁傳稱去衛地如魯地於十二次豕韋衛地降婁魯地魯祭分野之星其祭奎婁之神也

三十經十有二月公至自齊乙巳公薨于小寢隕霜不殺草李梅

實釋例大其土賦之賈曰月者爲公薨不憂隕霜李梅實也大卒例

案十二公之薨經無不繫月至自及災異或繫時不繫月此十二月本爲公薨而繫以至自齊在前則併書之隕霜不殺草李梅實異而不災無足憂者不因是而繫月

傳輕而無禮服曰無禮謂過天子門不橐甲束兵而但免冑

疏

案詩彤弓傳橐韜也說文束縛也正義曰呂氏春秋說此事云師行過周王孫滿曰過天子之城宜橐甲束兵左右皆下然則

過天子門當卷甲束兵必古有此禮或出司馬兵法

唯是脯資餼牽竭矣

服曰腥曰餼

儀禮聘禮疏○禮記聘義疏引作死曰餼

案今之氣說文為氣今之餼說文為氣云氣饋客之芻禾也通為饋遺之名儀禮聘禮餼之以其禮釋文餼猶遺也一切經音義十三引埤蒼餼饋也饋遺為餼則不獨芻禾為餼牲牢亦為餼矣故周語廩人獻餼注生曰餼禾米也聘禮注凡賜人以牲生曰餼是也其實牲之生腥皆曰餼聘禮歸饗餼五牢饗餼對文故殺曰饗生曰餼此餼牽對文周禮象胥注殮牽謂其如殮而牽牲以往不殺也則牽為生餼為腥矣服故以腥釋餼也詩漢廣釋文牲腥曰餼文選東京賦薛注腥曰餼可見餼之無定

賈服註輯述

卷七

三

稱也禮器疏云腥生肉也然已殺故禮記疏引服云死曰餼

子墨衰絰

賈曰墨變凶

晉世家注

案儀禮喪服斬衰裳傳曰衰三升記曰凡衰外削幅裳內削幅

幅三衽負廣出於適寸衰長六寸博四寸衽二尺有五寸袂屬幅衣三尺有二寸袪尺二寸傳又曰苴絰大搗去五分以為帶此衰絰之制也漢書律歷志五行志引僖五年傳均服振振皆作衽服振振晉書音義云衽戎服也說文衽元服也元色黑戎服所宜今此衰絰是凶服故墨以從戎為稍變凶也

遂墨以葬文公

服曰非禮也

同上

案禮記檀弓弁絰葛而葬與神交之道也注接神之道不可以

純凶天子諸侯變服而葬冠素弁以葛爲環經既虞卒哭乃服受服也雜記曰凡弁經其衰侈袂是禮於葬服有定今墨以葬是非禮也

文夫人斂而葬之鄆城之下服曰鄆城古鄆國之墟詩緇衣疏

案鄆詩作檜詩譜云檜國在禹貢豫州外方之北滎波之南居溱洧之間疏杜預云檜城在滎陽密縣東北墟者文選西征賦注引聲類云故所居也

作主非禮也賈曰僖公始不順祀生則致哀姜終則小寢以慢典常其子文公緣事生邪志作主陵遲於是文公復有夫人歸嗣

子糴咎傳故上係此文於僖公篇

釋例作主禘例

賈服註輯述

卷七

五

案不順祀自文公始而云僖始不順祀者八年經書禘于太廟用致夫人傳謂非禮是不順祀卽致哀姜之事是年經公薨于小寢傳謂卽安故譏其終則小寢也易繫辭既有典常虞翻曰其出入以度故有典常慢典常者慢其常度也文公緣僖公之事而生邪志作主緩至二年故曰陵遲荀子宥坐云陵遲故也注陵遲言邛陵之勢漸慢也夫人歸嗣子糴咎謂文公夫人出姜大歸於齊及子赤子惡爲東門遂所殺作主事當繫文而繫於僖公之終篇明僖有以啟之也

特祀于主烝嘗禘于廟服曰特祀于主謂在寢三年喪畢遭烝嘗則行祭皆於廟焉儀禮士虞記疏

案謂在寢者儀禮士虞記注凡祔已復於寢疏曰天子諸侯有木主者以主祔祭訖主反於寢杜此注云以新死者之神祔之於祖尸柩已遠孝子思慕故造木主立几筵焉特用喪禮祭祀於寢不同之於宗廟亦用服義也三年喪畢遭烝嘗則行祭皆於廟者公羊傳三年之喪實以二十五月閒傳三年之喪二十五月而畢王肅主之檀弓疏云戴德喪服變除禮二十五月大祥二十七月而禫鄭氏主之喪大記云三年之喪天下之達喪也畢者爾雅釋詁盡也謂禫祭後喪乃盡也爾雅釋天云秋祭曰嘗冬祭曰烝春秋繁露祭義云先成故曰嘗嘗言甘也畢熟故曰烝烝言眾也華嚴經音義引韓詩傳遭遇也言禫後遇四

賈服註輯述

卷七

五

時之祭得行祭於廟也士虞記疏曰遭烝嘗乃於廟則自三年以前未得遷於廟而禫祭此賈服之義是也鄭注士虞記云練而後遷廟周禮鬯人疏云案文二年穀梁傳曰作主壞廟有時日於練焉壞廟壞廟之道易檐可也改塗可也是時木主新入廟禫祭之是以左氏說凡君薨祔而作主特祀主於寢畢三時之祭葺年然後烝嘗禫於廟許慎云左氏說與禮同鄭無駁明用此禮同義與穀梁傳合賈服以爲三年終禫遭烝嘗則行祭禮與前解違非鄭義也若然則鄭義以祔之後主復於寢練之時主遷於廟練祭卽在廟是行祭於廟不待三年喪畢矣然穀梁疏云三年之喪至二十五月猶未合全吉故公子遂有納幣

之譏莊公喪制未二十五月而禘祭故譏其爲吉此言吉者比之虞主故爲吉也此雖爲練作之主終入廟以辨昭穆故傳以吉言之然作主在十三月壞廟在三年喪終而傳連言之者此主終入廟入廟卽易檐以事相繼故連言之非謂作主壞廟同時也或以爲練而作主之時則易檐改塗故此傳云於練壞廟於傳文雖順舊說不然故不從之直記異聞耳案此則練時未遽遷主卽以穀梁傳文言之僅曰壞廟不曰遷廟則遷廟在三年喪畢之後是以范甯云將納新神言將則有待明非一時事矣士虞記疏云若然惟祔祭與練祭祭在廟祭訖主反於寢其大祥與禫祭其主自然在寢祭之按祔當申躋祔之辭不得不在廟故行祭於廟若練在廟而大祥禫復在寢遷主反主黷神不已甚歟是大祥禫在寢練祭亦當在寢明矣士虞禮中月而禫是月也吉祭猶未配注是月是禮月也當四時之祭月則祭猶未以某妃配某氏哀未忘也疏曰謂是禫月得禫祭仍在寢此月當四時吉祭之月則於廟行四時之祭於羣廟而猶未得以某妃配哀未忘若喪中然也若然禫月遇吉祭猶未與羣廟行祭之列謂葺年後烝嘗得遽行於廟乎是三年喪畢遭烝嘗乃行祭於廟服義於禮爲順杜云冬祭曰烝秋祭曰嘗新主旣立特祀於寢則宗廟四時常祀自如舊也三年禮畢又大禘乃皆同於吉釋例曰舊說以爲諸侯喪三年之後乃烝嘗案傳裏



公十五年冬十二月晉侯周卒十六年春葬晉悼公改服修官  
烝于曲沃會于溴梁其冬穆叔如晉晉人答以寡君之未禘祀  
其後晉人徵朝於鄭公孫僑云溴梁之明年寡君見于嘗耐與  
執膳焉此皆春秋之明證也是知諸侯卒哭以後時祭不廢之  
事也案王制云喪三年不祭曾子問五祀之祭不行已葬而祭  
視畢獻而已注惟嘗禘宗廟俟吉也王制疏云其常祭法必待  
三年喪畢也其春秋之時未至三年而爲吉祭者皆非禮也若  
杜預之意以爲既耐以後宗廟得四時常祭如杜之意與三年  
不祭違者杜不盡用禮記也愚謂杜解不獨與禮經相違且與  
傳文相戾傳言特祀于寢烝嘗禘于廟者承立主之文以明主  
之所在也言喪未畢主復于寢練大祥禫皆在寢言特祀者特  
之言獨也喪既畢主遷於廟烝嘗禘乃在廟皆就作主立說杜  
泛及四時常祭非傳意也

賈服註輯述 卷七

烝于曲沃會于溴梁其冬穆叔如晉晉人答以寡君之未禘祀

